

萬 有 文 庫

第一集一千種

王 雲 五 主 編

經 傳 釋 詞

(二)

王 引 之 著

商 務 印 書 館 發 行



經 傳 釋 詞

(二)

王引之著

國 學 基 本 叢 書

編主五雲王
庫文有萬
種千一集一第

著之引王

號一〇五路山寶海上	王	人	行	發
五雲	王			
路山寶海上	商	所	刷	印
館書印務	商			
埠各及海上	商	所	行	發
館書印務	商			

版初月十年九十國民華中

究必印翻權作著有書此

The Complete Library
Edited by
Y. W. WONG

CHING CH'UAN SHIH TZ'Ü
BY WANG YIN CHIH
PUBLISHED BY Y. W. WONG
THE COMMERCIAL PRESS, LTD.
Shanghai, China
1930
All Rights Reserved

經傳釋詞

卷六

乃 匱

乃猶於是也。書堯典曰：乃命羲和是也。常語也。字或作匱。俗作迺爾雅曰：匱，乃也。

乃猶然後也。書禹貢曰：作十有三載，乃同是也。亦常語。

乃猶而也。春秋宣八年十月己丑葬我小君頃熊，雨不克葬。庚寅日中而克葬。定十五年九月丁巳葬我

君定公，雨不克葬。戊午日下昃，乃克葬。公羊傳曰：而者何？難也。乃者何？難也。說文乃，曳調之難也。曷爲或言而，或言

乃？乃難乎而也。案乃與而對言之則異。禮記文王世子曰：文王九十七乃終。武王九十三而終。是也。散言

之則通。互見而字下。儀禮燕禮：大夫不拜，乃飲。鄭注曰：乃猶而也。大戴記夏小正篇：偃之與五日翁，望乃伏。傳

曰：而伏云者，不知其死也。故謂之伏。而伏，卽乃伏也。襄七年左傳曰：吾乃今而後知有卜筮。乃今而後，卽

而今而後也。

乃急詞也。大戴記夏小正篇：乃瓜。傳曰：乃者，急瓜之辭也。

乃猶則也。易繫辭傳曰：見乃謂之象。形乃謂之器。詩生民曰：鳥乃去矣。隱三年左傳曰：將立州吁，乃定之。

矣。皆是也。乃與則同義。故書般庚。我乃剗殄滅之。無遺育。哀十一年左傳。作則剗殄無遺育。莊二十八年左傳。則可以威民而懼戎。晉語則作乃。又或以則乃連文。書立政曰。謀面用丕訓德。則乃宅人。是也。

乃猶其也。書多士曰。爾乃尙有爾土。爾乃尙寧幹止。爾乃爾其也。晉語伯宗問曰。乃將若何。乃將其將也。

今本無乃字。乃後人不曉古義而妄刪之。據宋明道本補。書般庚。乃有不吉不迪。顛越不共。哀十一年左傳。作其有顛越不共。乃與其

同義。故或以乃其連文。互見其字下。

乃猶是也。成二年左傳。衛石稷謂孫良夫曰。子以衆退。我此乃止。言我於此是止也。杜注。我于此止。繫齊師。晏子春

秋外篇。公曰。吾聞之。五子不滿隅。一子可滿朝。非匱子邪。匱子。是子也。莊子德充符篇。子產蹇然改容更

貌曰。子無乃稱。猶曰子無稱是言也。

乃猶方也。裁也。莊十年穀梁傳曰。乃深其怨於齊。又退侵宋以衆其敵。謂方深其怨於齊也。大戴記保傅

篇曰。太子乃生。固舉之禮。賈子乃作初。呂氏春秋義賞篇曰。天下勝者衆矣。而霸者乃五。高注。乃猶裁也。

義並同。

乃猶若也。書般庚曰。女萬民乃不生。暨予一人猷同心。先后丕降與女罪疾。言汝萬民若不生生也。洛

誥曰。女乃是不獲。乃時惟不永哉。言汝若是不勉也。孟子公孫丑篇曰。乃所願。則學孔子也。莊子盜跖篇

曰。小人殉財。君子殉名。其所以變其情易其性。則異矣。乃至於棄其所爲而殉其所不爲。則一也。乃字並

與若同義。

乃猶且也。書大誥曰：若考作室，既底法，厥子乃弗肯堂，矧肯構；厥父菑，厥子乃弗肯播，矧肯穫。乃字並與且同義。

乃猶寧也。襄三十年左傳：人謂子產就直助彊，子產曰：豈爲我徒國之禍難，誰知所敝，或主彊直，難乃不生，姑成吾所乃寧也。言禍難未知所敝，雖或主彊直之人，寧不生難乎？唯兩無所主，姑成吾所而已也。注：杜言能彊能直，則可弭難，今三家未能，伯有方等於語，意未合。寧乃一聲之轉，故乃訓爲寧，寧亦訓爲乃，互見寧字下。

乃異之之詞也。書般庚曰：女不憂朕心之攸困，乃咸大不宣，乃心。詩山有扶蘇，曰不見子都，乃見狂且，是也。亦常語也。

乃轉語詞也。書康誥曰：有厥罪小，乃不可不殺，是也。亦常語。

乃如亦轉語詞也。詩日月曰：乃如之人兮，蠖棘曰：乃如之人也。

乃若亦轉語詞也。墨子兼愛篇曰：然而今天下之士君子曰：然句乃若兼，則善矣。孟子離婁篇曰：乃若所憂，則有之。

乃若發語詞也。墨子兼愛篇：子墨子言曰：乃若夫少食惡衣，殺身而爲名，此天下百姓之所皆難也。孟子告子篇：孟子曰：乃若其情，則可以爲善矣。

乃發聲也。禮記雜記曰：祝稱卜葬虞夫曰乃。鄭注曰：乃某卜葬其妻某氏。正義曰：乃者言之助也。

寧

說文：寧，願詞也。徐鍇曰：今人言寧可如此，是願如此也。襄二十六年左傳引夏書曰：與其殺不辜，寧失不經，是也。常語也。

寧猶何也。易繫辭傳曰：寧用終日，是也。亦常語。

寧猶豈也。成二年左傳曰：寧不亦淫從其欲以怒叔父，是也。亦常語。

寧猶將也。莊子秋水篇曰：寧其死爲留骨而貴乎？寧其生而曳尾於塗中乎？呂氏春秋貴信篇曰：君寧死而後死乎？其寧生而又生乎？趙策曰：人之情寧朝人乎？寧朝於人也。寧字並與將同義。楚辭卜居曰：吾寧悃悃款款朴以忠乎？將送往勞來斯無窮乎？寧亦將也。互文耳。

寧猶乃也。毛鄭詩考正曰：四月首章，胡寧忍予。箋云：寧猶曾也。案寧猶乃也。語之轉。下寧莫我有同。雲漢首章，寧莫我聽。寧亦乃也。篇內寧丁我躬。寧俾我遯。胡寧忍予。胡寧瘖我以早。並同。家人曰：乃寧曾。其義一也。日月之寧不我顧。小弁之寧莫之知。四月之胡寧忍予。箋並曰：寧猶曾也。又正月之寧莫之懲。四月之寧莫我有雲漢之寧莫我聽。寧丁我躬。寧俾我遯。箋內皆以曾代寧。曾亦乃也。論語先進篇：吾以子爲異之問，曾由與求之問，是也。又雲漢之胡寧忍予。胡寧瘖我以早。箋內皆以何曾代胡寧。何曾何乃也。

孟子公孫丑篇爾何會比子於管仲趙注曰何會猶何乃是也桑柔曰倬彼昊天寧不我矜箋曰昊天乃倬然明大而不矜哀下民是箋亦訓寧爲乃也又正月曰燎之方揚寧或滅之赫赫宗周褒姒威之言以燎火之盛而乃有滅之者亦如赫赫之宗周而乃爲褒姒所滅也箋釋上二句曰燎之方盛之時寧有能滅息之者失之辯見經義述聞下並同桑柔曰民之貪亂寧爲荼毒言民心貪樂禍亂乃爲苦毒之行也箋訓寧爲安失之瞻印曰心之憂矣寧自今矣不自我先不自我後言不自我先不自我後而乃自今也正義曰天下人心之憂愁所由來久遠寧從今日矣失之禮記內則曰子婦有勤勞之事雖甚愛之姑縱之而寧數休之言姑縱使勤勞而乃數數休息之也正義曰寧可數數休息失之昭二十二年左傳寡君聞君有不令之臣爲君憂無寧以爲宗羞言無乃以爲宗羞也此無寧與他處言無寧者不同杜注無寧寧也失之賈子禮篇不用命者寧丁我網史記殷本紀作乃入吾網此皆古人謂乃爲寧之證寧語助也昭元年左傳曰是委君貺於草莽也是寡大夫不得列於諸卿也不寧唯是又使圍蒙其先君不寧唯是不唯是也寧語助耳正義曰不寧寧也言寧有唯是之事失之

能

能猶而也能與而古聲相近說見唐韻正故義亦相通詩芄蘭曰雖則佩觿能不我知能當讀爲而雖則之文正與而字相應言童子雖則佩觿而實不與我相知也毛傳曰不自謂無知以驕慢人也箋曰此幼穉之皆未合語意辨見經義述聞下章雖則佩鞶能不我甲義與此同荀子解蔽篇爲之無益於成也求之無益於得也憂

威之無益於幾也。則廣焉能弃之矣。趙策。建信君入言於王。厚任葺以事。能重責之。能並與而同。管子任法篇。是貴能威之。富能祿之。賤能事之。近能親之。美能淫之也。下文五能字皆作而。又侈靡篇。不欲強能不服。智而不牧。能與而同。尹知章以能字絕句。不服二字屬下讀。非是。晏子春秋外篇。入則求君之嗜欲。能順之。君怨良臣。則具其往失而益之。墨子天志篇。少而示之黑。謂黑多。示之黑。謂白少。能嘗之甘。謂甘多。嘗之甘。謂苦。韓詩外傳。貴而下賤。則衆弗惡也。富能分貧。則窮士弗惡也。智而教愚。則童蒙者弗惡也。崔駰大理箴。或有忠能被害。或有孝而見殘。能亦而也。

能猶乃也。亦聲相近也。家大人曰。昭十二年左傳曰。中美能黃。上美爲元。下美則裳。能爲則三字相對爲文。能者乃也。言中美乃黃。上美爲元。下美則裳也。孫子謀攻篇曰。故用兵之法。十則圍之。五則攻之。倍則分之。敵則能戰。少則能守。今本戰守下並衍之字。辯見讀書雜志。不若則能避之。言敵則乃戰。少則乃守。不若則乃避之也。魏策曰。奉陽君約魏。魏王將封其子。謂魏王曰。王嘗身濟漳。朝邯鄲。抱葛薛。陰成以爲趙養邑。而趙無爲王有也。王能又封其子。河陽姑宓乎。臣爲王不取也。言王乃又封其子乎。臣爲王不取也。史記淮陰侯傳曰。今韓信兵號數萬。其實不過數千。能千里而襲我。亦以罷極。以與同。言韓信兵不過數千。乃千里而襲我也。太史公自序佞幸傳曰。非獨色愛。能亦各有所長。言非獨以色見愛。乃亦各有所長也。列女傳賢明傳曰。先生以不斜之故。能至於此。言以不斜之故。乃至於此也。能與乃同義。故二字可以互用。後漢書荀爽

傳。鳥則雄者鳴。雌能順服。獸則牡爲唱導。牝乃相從。是也能與乃同義。故又可以通用。淮南人閒篇。此何遽不能爲福乎。藝文類聚禮部下引能作乃。漢書匈奴傳。東援海代。南取江淮。然後乃備。漢紀乃作能。是也。乃與而聲相近。故能訓爲而。又訓爲乃。能與寧一聲之轉。而同訓爲乃。故詩寧或滅之。漢書谷永傳。作能或滅之。宋那曰。姚本能作寧。案此依毛詩改耳。各本多作寧。今據宋景祐本及王氏詩考所引訂正。

徒

呂氏春秋異用離俗二篇注並曰。徒但也。常語也。

徒猶乃也。莊子天地篇曰。吾聞之夫子。事求可。功求成。用力少。見功多者。聖人之道。今徒不然。言今乃不然也。荀子子道篇。子路謂子貢曰。吾以夫子爲無所不知。夫子徒有所不知。又曰。子貢謂子路曰。女謂夫子爲有所不知乎。夫子徒無所不知。

獨

獨猶寧也。豈也。禮記樂記曰。且女獨未聞牧野之語乎。襄二十六年左傳曰。夫獨無族姻乎。

獨猶將也。宣四年左傳曰。棄君之命。獨誰受之。楚語曰。其獨何力以待之。孟子滕文公篇曰。一辭居州。獨如宋王何。

獨猶孰也。何也。呂氏春秋必己篇曰。孔子行於東野。今本作孔子行道而息。乃後人所改。辭見讀書雜誌。馬逸食人之稼。野人取其

馬子貢請往說之。畢辭。野人不聽。有鄙人始事孔子者。請往說之。因謂野人曰。子耕東海。至於西海。吾馬何得不食子之禾。其野人大說。相謂曰。說亦皆如此。其辯也。與邪同獨如嚮之人。解馬而與之。高注曰。獨猶孰也。

柰

柰如也。晉語曰。柰吾君何。

柰何。如何也。書召誥曰。曷其柰何弗敬。

柰何。或但謂之柰。淮南兵略篇曰。唯無形者無可柰也。楊雄廷尉箴曰。惟虐惟殺。人莫予柰。柰。卽柰何也。

那

那者。柰之轉也。魏志毋邱儉傳。注載文欽與郭淮書曰。所向全勝。要那後無繼何。言柰後無繼何也。故廣雅曰。柰。那也。

那者。柰何之合聲也。宣二年左傳曰。棄甲則那。杜注。那。猶何也。日知錄曰。直言之曰那。長言之曰柰何。一也。

爾雅曰。那。於也。於讀如字。郭讀爲於乎之於。又云。那。猶今人言那那也。皆非。辯見經義述聞。越語曰。吳人之那不穀。亦又甚焉。章注用爾雅。

都

爾雅曰都於也。如於字。孟子萬章篇曰謨蓋都君咸我績趙注用爾雅史記司馬相如傳曰揆厥所元終都攸卒集解引漢書音義與趙注同都諸聲相近故諸訓爲於都亦訓爲於而孟諸字又明作都也。都歎詞也書堯典驩兜曰都某氏傳曰都於音烏嘆美之辭故皋陶謨皋陶曰都史記夏本紀都作於。

當

當猶將也儀禮特牲饋食禮記佐食當事則戶外南面鄭注曰當事將有事而未至孟子離婁篇曰言人之不善當如後患何韓子外儲說右篇太公望曰且先王之所以使其臣民者非爵祿則刑罰也今四者不足以使之則望當誰爲君乎史記魏公子傳曰公子當何面目立天下乎又留侯世家曰橫絕四海當可奈何當字並與將同義。

當猶則也墨子辭過篇曰君實欲天下之治而惡其亂也當爲宮室不可不節又曰君實欲天下之治而惡其亂當爲衣服不可不節又曰君實欲天下之治而惡其亂當爲食飲不可不節當字並與則同義。當猶如也墨子明鬼篇曰燕之有祖當齊之有社稷宋之有桑柔林之有雲夢也。傳三十三年左傳鄭之有原圃猶秦之有具圃也。

儻 黨 當 尙

儻或然之詞也字或作黨或作當或作尙莊子繕性篇曰物之儻來寄者也釋文儻崔本作黨荀子天論

篇曰夫日月之有蝕風雨之不時怪星之黨見古黨見或見也楊注訓黨為類九經古義訓為所皆非辯見讀書雜志史記淮陰侯傳曰恐其黨不就漢書伍被傳曰黨可以徼幸墨子法儀篇曰然則奚以為治法而可當皆法其父母奚若又曰黨皆法其君奚若兼愛篇曰當使若二士者言行之合猶合符節也無言而不行也若此也言儒使此二士不行也非樂篇曰然則當為之撞巨鍾擊鳴鼓彈琴瑟吹竽笙而揚干戚民衣食之財將安可得乎安猶於見安字下又尙賢篇曰尙欲祖述堯舜禹湯之道將不可以不尙賢黨當尙並與儻同

殆

殆者近也周語鄭語注及呂氏春秋高義士容二篇注並同幾也禮記禮弓注將然之詞也書顧命曰殆弗與弗瘠

誕

誕發語詞也書大誥曰般小腆誕敢紀其敝又曰誕鄰胥伐于厥室君奭曰誕無我責多方曰須暇之子孫誕作民主詩皇矣曰誕先登于岸生民曰誕彌厥月誕實之隘巷誕實匍匐誕后稷之穡誕降嘉種誕我祀如何諸誕字皆發語詞說者用爾雅誕大也之訓則詰籀為病矣誕句中助詞也書大誥曰肆朕誕以爾東征是也說者訓為大亦失之

迪

迪詞之用也書牧誓昏棄厥遺王父母弟不迪史記周本紀不迪作不用迪為不用之用又為語詞之用義相因也書皋陶謨曰咸建五長各迪有功言各

用有功也。大誥曰：亦惟十人迪知上帝命。言惟此十人用知上帝命也。王肅曰：民十。康誥曰：今惟民不靜。夫用知天命。未戾厥心。迪屢未同。多方曰：爾乃迪屢不靜。亦謂用屢未同。用屢不靜也。酒誥曰：在昔殷先哲王。迪畏天顯小民。言用畏天顯小民也。無逸曰：自殷王中宗及高宗及祖甲及我周文王。茲四人迪哲。言惟茲四人用哲也。君奭曰：茲迪彝教。文王蔑德。言惟此五人用常教。文王以精微之德也。又曰：亦惟純右秉德。迪知天威。乃惟時昭文王。迪見冒。亦謂用知天威。用見勉也。冒。馬本作勛。云勉也。說見經義述聞。康誥。又曰：武王惟茲四人。尙迪有祿。言惟茲四人。尙用有祿也。立政曰：迪知忱恂于九德之行。亦謂用知誠信于九德之行也。迪知上帝命。迪知天威。迪知忱恂于九德之行。文義正相近也。史記夏本紀：各迪有功。作各道有功。某氏傳於諸迪字。或訓爲道。或訓爲蹈。皆於文義未協。

迪發語詞也。書般庚曰：迪高后丕乃崇降弗祥。言高后丕乃崇降不祥也。上文曰：高后丕。乃崇降罪疾。迪語詞耳。君奭曰：迪惟前人光。施于我冲子。立政曰：古之人迪惟有夏。兩迪字亦是語詞。王肅注及某氏傳。或訓爲道。或訓爲蹈。亦於文義未協。

直

迪。句中語助也。酒誥曰：又惟殷之迪。諸臣惟工是也。某氏訓爲蹈。亦失之。

直猶特也。呂氏春秋忠廉分職二。但也。淮南精神篇注。禮記祭義曰：參直養者也。安能爲孝乎。文十一年穀梁傳。篇注。並云：特猶直也。

曰。不言帥師而言敗。何也。直敗一人之辭也。孟子梁惠王篇曰。直不百步耳。是亦走也。莊子德充符篇曰。某也。直後而未往耳。荀子榮辱篇曰。是其爲相縣也。幾直夫芻豢之縣糟糠爾哉。豈與齊策曰。衍非有怨於儀。直所以爲國者不同耳。直特古同聲。故詩柏舟。實維我特。韓詩特作直。史記叔孫通傳。吾直戲耳。漢書直作特。

直猶特也。專也。晏子雜篇曰。齊命使各有所主。其賢者使之賢主。不肖者使之不肖主。嬰最不肖。故直使楚矣。直使楚。特使楚也。韓詩外傳曰。臣里母相善。婦見疑盜肉。其姑去之。恨而告于里母。里母曰。安行。今令姑呼女。卽束蘊請火去婦之家。曰。吾犬爭肉相殺。請火治之。姑乃直使人追去婦還之。言特使人追還去婦也。史記留侯世家曰。良嘗閒從容步游下邳汜上。今本史記漢書汜作圯。皆後人所改。劉攽宋祁已辯之。有一老父衣褐至良所。直墮其履汜下。顧謂良曰。孺子下取履。言特墮其履於橋下。使良取之也。史記漢書注解直字皆誤。辯見讀書雜誌。梁孝王世家曰。平王襄直使人開府。取壘樽賜任王后。言特使人取壘樽賜之也。以上四直字亦訓爲特。而與前異義。

疇 屬 屬

爾雅曰。疇。誰也。書堯典。帝曰。疇咨。若時登庸。史記五帝紀。作誰可順此事。字本作屬。又作屬。說文。屬。誰也。今本作屬。非。據廣韻引改。又曰。屬。詞也。虞書曰。帝曰。屬咨。

疇發聲也。禮記檀弓曰：予疇昔之夜。鄭注：疇發聲也。昔猶前也。宣二年左傳曰：疇昔之羊子爲政。疇誰一聲之轉。故疇昔之轉爲誰昔。互見誰字下。

卷七

而

而者承上之詞。或在句中。或在句首。其義一也。常語也。

漢書韋賢傳注曰：而者句絕之辭。詩著曰：俟我於著乎。而論語子罕篇引詩曰：唐棣之華。偏其反而。微子篇曰：己而已而。宣四年左傳曰：若敖氏之鬼。不其餒而逸。周書芮良夫篇曰：不其亂而。

而猶如也。易明夷象傳曰：君子以莅衆用晦而明。虞注曰：而如也。詩君子偕老曰：胡然而天也。胡然而帝也。毛傳曰：尊之如天。審諦如帝。都人士曰：垂帶而厲。箋曰：而厲如整厲也。昭四年左傳曰：牛謂叔孫。見仲而何。杜注曰：而何如何也。管子樞言篇曰：能而稷乎。能而麥乎。孟子萬章篇曰：而居堯之宮。逼堯之子。是篡也。荀子仲尼篇曰：財利至則言善而不及也。楊倞注：而如也。呂氏春秋順說篇曰：與生與長。而言之與響。齊策曰：而此者三。高注：而如也。漢書賈誼傳曰：變化而嬗。史記索隱引章昭注：而如也。而字並與如同義。而與如同義。故二字可以互用。詩都人士曰：彼都人士。垂帶而厲。彼君子女。卷髮如蠶。大戴記衛將軍文子篇曰：滿而不滿。實如。

虛過之如不及。孟子離婁篇曰：文王視民如傷，望道而未之見。荀子疆國篇曰：隳然而雷擊之，如牆厭之。說苑奉使篇曰：意而安之，願假冠以見，意如不安，願無變國俗，皆以如而互用。故詩垂帶而厲，內則注引而作如。荀子哀公篇：從物如流，大戴記哀公問五義篇：如作而襄十二年左傳：夫婦所生若而人。晉書禮志而作如。史記鄒陽傳：白頭如新，傾蓋如故。新序雜事篇：如並作而。

而猶若也。若與如古同聲，故而訓爲如。又訓爲若。大戴記衛將軍文子篇：孔子曰：而商也。其可謂不險也。

而商也。與論語若由也同義。襄二十九年左傳曰：且先君而有知也。與上文先君若有知也同義。而與若

同義。故二字可以互用。詩猗嗟曰：頎而長兮。抑若揚兮。而若皆然也。毛傳。抑美色揚廣揚。昭二十六年左傳：晏子曰：後世

若少惰。陳氏而不亡，則國其國也已。皆以而若互用。故書康誥：若有疾。荀子富國篇：若作而。詩甫田篇：突

而弁兮。猗嗟篇：頎而長兮。正義而並作若。都人士篇：垂帶而厲。淮南汜論篇：注而作若。襄三十年左傳：子

產而死。呂氏春秋樂成篇：而作若。周官旅師而用之。鄭注而讀爲若。案而亦可讀爲如。論語如用之是也。

而猶然也。書皋陶謨曰：啓呱呱而泣。言呱呱然泣也。詩野有死麕曰：舒而脫脫兮。箋曰：脫脫然舒。甫田曰：

突而弁兮。箋曰：突爾加冠爲成人。爾亦然也。猗嗟曰：頎而長兮。說見文十七年左傳曰：鋌而走險。杜注：鋌疾走貌。

宣十二年傳曰：及楚殺子玉，公喜而後可知也。

而猶乃也。乃與而對言之則異。說見乃字下。詩杕杜曰：期逝不至，而多爲恤。言乃多爲憂也。鄉射禮曰：而錯言乃錯

也。大戴記曾子本孝篇曰。如此而成於孝子也。言如此乃成爲孝子也。檀弓曰。而曰然。鄭注。而猶乃也。祭義曰。己徹而退。無敬齊之色。而忘本也。言乃忘本也。鄭以而爲衍字。失之。昏義曰。禮之大體。而所以成男女之別。而立夫婦之義也。言乃所以成男女之別。立夫婦之義也。宣十三年左傳曰。誅而薦賄。則無及也。言誅乃薦賄也。成十六年傳。夏書曰。怨豈在明。不見是圖。將慎其細也。今而明之。其可乎。言今乃明之也。昭元年傳曰。賈而欲贏。而惡鬻乎。言乃惡鬻也。哀四年傳曰。如牆而進。多而殺二人。言多乃殺二人也。二十五年傳曰。衆怒難犯。休而易閒也。言休乃易閒也。周語曰。匹夫專利。猶謂之盜。王而行之。其歸鮮矣。言王乃行之也。宣十五年公羊傳曰。吾今取此。然後而歸爾。言然後乃歸也。莊十二年穀梁傳曰。國而曰歸。此邑也。其曰歸。何也。言國乃曰歸也。論語泰伯篇曰。而今而後。吾知免夫。言乃今而後也。襄七年左傳。吾乃今而後。知有卜筮。故堯典。試可乃已。史記五帝紀。作試不可用而已。禮記曲禮。卒哭乃諱。雜記乃作而。僖二十八年左傳。數之以其不用。僖負羈而乘軒者三百人也。史記曹世家而作乃。史記淮陰侯傳。相君之背。貴乃不可言。漢書蒯通傳。乃作而。

而猶則也。易繫辭傳曰。君子見幾而作。不俟終日。言見幾則作也。僖十五年左傳曰。何爲而可。言何爲則可也。襄十八年傳曰。若可。君而繼之。言君則繼之也。楚語曰。若防大川焉。潰而所犯必大矣。言潰則所犯必大也。莊三十二年公羊傳曰。君親無將。將而誅焉。言將則誅也。又晉語曰。文公學讀書於臼季三日。曰。

吾不能行咫。咫猶耳也。今本咫上有也字。聞則多矣。對曰。然而多聞以待能者。不猶愈也。也與邪同。俗本所改。今從宋本。然而則也。而與則同義。故二字可以互用。喪服傳曰。何如而可爲之後。同宗則可爲之後。則也。下文曰。何如則禮記喪服小記曰。士妾有子而爲之總。無子則已。墨子明鬼篇曰。非父則母。非兄而姒也。可謂之兄弟。禮記喪服小記曰。士妾有子而爲之總。無子則已。墨子明鬼篇曰。非父則母。非兄而姒也。史記樂布傳曰。與楚則漢破。與漢而楚破。皆以而則互用。故喪服小記有五世而遷之宗。大傳而作則。樂記喜則天下和之。怒則暴亂者畏之。荀子樂論篇則並作而。孟子公孫丑篇。可以仕則仕。可以止則止。可以久則久。可以速則速。萬章篇則並作而。秦策物至而反。致至而危。史記春申君傳而並作則。燕策然而王何不使布衣之人。以窮齊之說說秦。史記蘇秦傳然而作然則。漢書鄒陽傳然而計議不得。雖諸賁不能安其位。亦明矣。文選亦作然則。

家大人曰。而猶以也。楊倞注荀子彊國篇曰。而往猶已上也。已與以同。凡書傳中言而上。祖治四方。失之。墨子尙賢篇曰。使天下之爲善者可而勸。書顧命曰。眇眇

予末小子。其能而亂四方。言其能以治四方也。某氏傳。能如父。祖治四方。失之。墨子尙賢篇曰。使天下之爲善者可而勸。

也。爲暴者可而沮也。又曰。上可而利天。中可而利鬼。下可而利人。莊子天下篇曰。其風竄然。惡可言。呂

氏春秋去私篇曰。晉平公問於祁黃羊曰。南陽無令。其誰可而爲之。可而爲之。可以爲也。高注。而不屈篇曰。

惠子曰。若王之言。則施不可而聽矣。用民篇曰。處次官。執利勢。不可而不察於此。以上凡言可而者。皆謂

可以也。荀子成相篇曰。子胥進諫不聽。剽而獨鹿棄之江。言剽以屬鏤之劍而棄之江也。楊注。獨鹿。與屬鏤同。而與

以同義。故二字可以互用。宣十五年左傳曰：敝邑易子而食，析骸以爨。墨子尙同篇曰：上用之天子，可以治天下矣。中用之諸侯，可而治其國矣。下用之家君，可而治其家矣。史記趙世家曰：聲以德與國，實而伐空韓，皆以而以互用。又見以字下故繫辭傳：上古結繩而治，論衡齊世篇引而作以。襄十一年左傳：和諸戎狄以正諸華。晉語以作而。昭元年傳：囊甲以見子南。考工記函人注引以作而。魏策：無河山以闌之。無周韓以間之。史記魏世家以作而。

而猶與也。及也。論語雍也篇曰：不有祝鮀之佞，而有宋朝之美，難乎免於今之世矣。言有祝鮀之佞，與有宋朝之美也。皇侃疏：言人若不有祝鮀佞，及有宋朝美，則難免今之患難也。及亦與也。墨子尙同篇曰：聞善而不善，皆以告其上。言善與不善也。韓子說林篇曰：以管子之聖而隰朋之智，言管仲與隰朋也。而與聲之轉。故莊子外物篇：與其譽堯而非桀，大宗師篇：與作而。

如

廣雅曰：如若也。常語。

昭十二年公羊傳注曰：如猶柰也。凡經言如何如之何者皆是。

如詞助也。易屯六二：屯如廩如。子夏傳曰：如辭也。

如猶然也。若論語鄉黨篇：恂恂如，蹴踏如，勃如，躩如之屬是也。詩旄邱曰：褻如充耳。毛傳：褻然有聲盛之服。野有蔓

草曰。婉如清揚。義亦同也。如然語之轉。故詩葛屨宛然。左辟說文引作宛如左僻。

如猶而也。詩柏舟曰。耿耿不寐。如有隱憂。如有而有也。正義曰。如人有痛疾之車攻曰。不失其馳。舍矢如

破。如破而破也。家大人曰。舍矢而破。與舍拔則獲同意。皆言其中之速也。楚策云。壹發而殪。意亦與此同。箋曰。如椎破物。孟子滕文公篇趙注曰。應矢而死者。如破皆誤解如字。大戴記

王言篇曰。使有司月省如時考之。夏小正篇曰。記鴻雁之遺也。如不記其鄉。何也。保傅篇曰。則親疏有序

如恩相及矣。如字並與而同義。禮記檀弓曰。天下豈有無父之國哉。吾何行如之。如而也。之至也。何行而

至。言無可至之國也。宣十七年穀梁傳曰。兄弟也。何去而之。范注曰。言無所至是也。晉語作吾誰鄉而入

意亦同也。隱七年左傳曰。及鄭伯盟。敵如忘。服虔曰。如而也。莊七年傳曰。星隕如雨。與雨偕也。劉歆曰。如

而也。星隕而且雨。故曰。與雨偕也。見漢書五行志襄二十三年傳曰。非鼠如何。宣六年公羊傳曰。此非弑君如何。

唐石經及蜀本宋本並如是今本改如爲而。晏子諫篇曰。豐瘠非害國家如何也。楚策曰。非故如何也。趙策曰。非反如何也。並

與而何同義。又昭六年左傳曰。火如象之。不火何爲。逸周書後大匡篇曰。勇如害上。則不登於明堂。管子

水地篇曰。男女精氣合而水流形。三月如咀。荀子儒效篇曰。鄉是如不臧。倍是如不亡者。自古及今。未嘗

有也。如字亦與而同義。大戴記保傅篇曰。安如易。樂而湛。文王官人篇曰。合志如同方。共其憂而任其難。

春秋繁露王道通三篇曰。施其時而成之。法其命如循之。鹽鐵論世務篇曰。見利如前。乘便而起。如亦而

也。互文耳。故左傳敵如忘。說文如作而。火如象之。漢書五行志如作而。荀子勸學篇。君子博學而日參省

乎已。大戴記而作如。

如猶乃也。詩常武曰：王奮厥武，如震如怒。言乃震乃怒也。

箋曰：而震雷其聲，而勃怒其色，而亦乃也。正義曰：如天之震雷其聲，如人之勃怒其色，則誤解。

如字。大戴記少閒篇曰：臣之言未盡，請盡臣之言。君如財之言，請俟臣之言盡。君乃裁之也。論語憲問篇

曰：桓公九合諸侯，不以兵車，管仲之力也。如其仁，如其仁。言管仲不用民力而天下安，乃其仁，乃其仁也。

孔傳曰：誰如管仲之仁，加誰字以解之，於文義未安。

如猶則也。史記淮南王傳：王曰：上無太子，宮車卽晏駕，廷臣必徵膠東王，不如常山王。

不與否同。

言廷臣必徵

膠東王，否則常山王也。漢書作不卽常山王，卽亦則也。

如猶不如也。隱元年公羊傳曰：母欲立之，已殺之，如勿與而已矣。何注曰：如卽不如。齊人語也。

如猶當也。宋策曰：夫宋之不足如梁也，寡人知之矣。高注曰：如當也。如爲相當之當，又爲當如是之當。僖

二十二年左傳曰：若愛重傷，則如勿傷。愛其二毛，則如服焉。正義曰：如猶不如。古人之語，然猶似敢卽不

敢。家大人曰：孔說非也。如猶當也。言若愛重傷，則當勿傷之。愛其二毛，則當服從之也。又二十一年傳曰：

巫尪何爲，天欲殺之，則如勿生。言天欲殺之，則當勿生之也。昭十三年傳曰：二三子若能死亡，則如違之。

以待所濟。若求安定，則如與之以濟所欲。言若能死亡，則當違之。若求安定，則當與之也。二十一年傳曰：

君若愛司馬，則如亡。言君若愛司馬而不欲亡之，則當自亡也。定五年傳曰：不能如辭，言旣不能，則當辭。

君若愛司馬，則如亡。言君若愛司馬而不欲亡之，則當自亡也。定五年傳曰：不能如辭，言旣不能，則當辭。

也。八年傳曰：然則如叛之言，既不畏晉，則當叛之也。杜解君若愛司馬，則當亡虜。失國解不能如辭云：言自知不能，當辭勿行，是杜訓如爲當，非訓爲不如也。且成二年傳曰：若知不能，則如無出，今既遇矣，不如戰也。上言如，下言不如，則如非不如明矣。又大戴記保傅篇曰：不習爲吏，如視己事。墨子貴義篇曰：今天下莫爲義，則子如勸我者也。何故止我？如字亦與當同義。

如猶將也。宣十二年左傳曰：有喜而憂，如有憂而喜乎？言憂喜各因其事，若有喜而憂，則亦將有憂而喜乎？漢書翟義傳：義部掾夏恢等收縛宛令劉立，傳送鄧獄，恢白義：可因隨後行縣送鄧。義曰：欲令都尉自送，則如勿收邪？言汝欲令都尉自送，則將勿收邪？師古注：以如爲不如。誤與左傳正義同。又孟子公孫丑篇：寡人如就見者，也。如字亦與將同義。

如猶與也。及也。書堯典曰：脩五禮，五玉三帛，二牲。今本改牲爲生，非。一死贄，如五器。如者，及也。五器，蓋卽

五等諸侯朝聘之禮器。自五玉以下，皆蒙上脩字言之。言五玉三帛二牲一死之贄，及所用之五器，皆因

五禮而並脩之也。舊說如五器皆誤。辯見經義述聞。儀禮鄉飲酒禮：公如大夫入，謂公與大夫入也。鄭讀如爲若。若亦與

也。說見若字下。賈疏謂大夫之於公，更無異禮失之。辯見經義述聞。論語先進篇曰：方六七十，如五六十。又曰：宗廟之事，如會同。如字並

與與同義。史記虞卿傳：趙王問樓緩曰：予秦地如毋予，孰吉？今本如上有何字，乃後人所加。辯見讀書雜誌。言予秦地與不予，二

者孰吉也。新序善謀篇如作與，是其證。如與聲相近，故如訓爲與，與亦訓爲如。互見與字下。

如猶於也。莊子德充符篇申徒嘉謂子產曰：「先生之門，固有執政焉如此哉。」言先生之門，固無執政於此也。呂氏春秋愛士篇曰：「人之困窮，甚如饑寒，言甚於饑寒也。」史記汲黯傳曰：「丞相宏燕見，上或時不冠，至如黯見，上不冠不見也。」言至於黯見，則上必冠也。

如猶乎也。禮記祭義：「善如爾之間也。」呂氏春秋孝行篇作「善乎而問之，是善如卽善乎也。」莊子齊物論篇曰：「不亦善乎而問之也。」

若

考工記梓人注曰：「若如也，常語。」

若猶柰也。凡經言若何若之何者皆是。

若詞也。易豐六二：「有孚發若。」節六三：「不節若，則嗟若。」王注並曰：「若，辭也。」書洪範曰：「肅時雨若。」又時暘若。曰：「哲時燠若。」曰：「謀時寒若。」曰：「聖時風若。」禮記禮器曰：「有所竭情盡慎，致其敬而誠若，有美而文而誠若。」若猶然也。易乾九三曰：「夕惕若厲。」離六五曰：「出涕沱若，戚嗟若。」巽九二曰：「用史巫紛若。」詩氓曰：「其葉沃若。」皇皇者華曰：「六轡沃若。」並與然同義。又詩猗嗟曰：「抑若揚兮。」正義曰：抑然而美者，其類上揚廣兮。文十四年公羊傳曰：「力沛若，有餘義亦同也。」

家大人曰：「猶若猶然也。」禮記禮運曰：「其燔黍捭豚，汙尊而抔飲，蕢桴而土鼓，猶若可以致其敬於鬼神。」

物雖質略。猶然可以致敬也。

正義曰。若如也。言猶如此。亦可以致其恭敬於鬼神。失之。

管子輕重甲篇曰。君雖彊本趣耕發草立幣。而

無止。民猶若不足也。墨子尚賢篇曰。未知所以行之之術。則事猶若未成。荀子不苟篇曰。雖作於心。見於

色。出於言。民猶若未從也。

楊倞注。若如也。亦失之。

呂氏春秋誣徒篇曰。爲之而樂矣。奚待賢者。雖不肖者。猶若勸之。

蕩兵篇曰。中主猶若不能有其民。而況於暴君乎。並與猶然同義。

史記禮書正義曰。若如此也。書大誥曰。爾知寧王若勤哉。言如此勤也。孟子梁惠王篇曰。以若所爲。求若

所欲言。如此所爲。如此所欲也。荀子禮論篇曰。故人苟生之爲見。若者必死。苟利之爲見。若者必害。言如

此者必死。如此者必害也。

若猶此也。莊四年公羊傳曰。有明天子。則襄公得爲若行乎。謂此行也。僖二十六年傳曰。曷爲以外內同

若辭。謂此辭也。定四年傳曰。君如有憂中國之心。則若時可矣。謂此時也。論語公冶長篇曰。君子哉若人。

謂此人也。管子八觀篇曰。不通於若計者。不可使用國。晏子諫篇曰。雖有至聖大賢。豈能勝若讒哉。墨子

節葬篇曰。法若言。行若道。呂氏春秋振亂篇曰。爲天下之長患。致黔首之大害者。若說爲深。齊策曰。聞若

言。莫不揮泣奮臂而欲戰。若字並與此同義。

連言之。則曰若此。或曰此若。定四年公羊傳。則若時可矣。穀梁傳作則若此時可矣。禮記曾子問篇。孔子

說宗子去在他國。庶子無爵而居者代祭之禮云。子游之徒有庶子祭者。以此若義也。鄭讀以此爲一句。

若義也爲一句。注曰：若順也。家大人曰：以此若義也五字當作一句讀，以用也。此若二字連讀，若亦此也。言子遊之徒有庶子祭者，用此義也。說詳經義述聞荀子儒效篇曰：行一不義，殺一無罪，而得天下，不爲也。此若義信乎人矣。今本若譌作君，楊注曰：以君義通於四海，非也。新序雜事篇作若義，信乎人矣。若亦此也。游子山國軌篇曰：此若言何謂也。地數篇曰：此若言可得聞乎。輕重丁篇曰：此若言曷謂也。墨子尚賢篇曰：此若言之謂也。節葬篇曰：以此若三聖王者觀之。又曰：以此若三國者觀之。史記蘇秦傳曰：王何不使辯士，以此若言說秦。今本若譌作苦，燕策作若此言。皆並用此若二字。

若猶及也。至也。書召誥曰：越五日甲寅，位成。若翼日乙卯，言及翼日乙卯也。吳語：越大夫種曰：王若今起師以會，言及今起師以會戰也。故成二年左傳：病未及死，晉語作病未若死。

若猶及也。與也。書召誥曰：旅王若公。周官罪隸曰：凡封國若家，儀禮燕禮曰：幕用綌若錫。禮記內則曰：父母有婢子，若庶子庶孫。襄十三年左傳曰：請爲靈若厲。

若猶或也。管子白心篇曰：夫或者何。若然者也。儀禮士昏禮記曰：若衣若笄。襄十一年左傳曰：若子若弟。又曰：若若能以玉帛綏晉。昭十三年傳曰：若入於大都而乞師於諸侯。定四年傳曰：若聞蔡將先衛，信乎。隱四年公羊傳曰：公子翬恐，若其言聞乎桓。

若夫轉語詞也。易繫辭傳曰：若夫雜物撰德，辨是與非，則非其中爻不備，是也。

若夫發語詞也。大戴記衛將軍文子篇。文子曰。若夫知賢人莫不難。孝經。曾子曰。若夫慈愛恭敬安親揚名。則聞命矣。是也。

若乃亦轉語詞也。齊策曰。若乃得去不肖者而爲賢者。狗豈特攫其腓而噬之耳哉。是也。

若而者。不定之詞也。襄十二年左傳曰。天子求后於諸侯。諸侯對曰。夫婦所生若而人。妾婦之子若而人。無女而有姊妹及姑姊妹。則曰。先守某公之遺女若而人。昭三年傳曰。則猶有先君之適及遺姑姊妹若而人。

若干者。亦不定之詞也。禮記曲禮曰。始服衣若干尺矣。投壺曰。某賢於某若干純。

家大人曰。若猶其也。書召誥曰。我亦惟茲二國命。嗣若功若其也。嗣其功者。嗣二國之功也。某氏傳曰。繼而法則之。訓若爲順。非是。

昭元年左傳。趙文子請叔孫於楚曰。子若免之。以勸左右。可也。言子其免之。以勸左右也。二十六年傳。子猶言於齊侯曰。君若待於曲棘。使羣臣從魯君以下焉。言君其待於曲棘也。

顧權注老子曰。若而也。家大人曰。書金縢篇。予仁若考。史記魯世家作且巧。巧考古字通。若而語之轉。予

仁若考者。予仁而巧也。唯巧故能多材多藝。能事鬼神也。某氏傳訓若爲順。考爲父。皆失之。詳見經義述聞。易夫

九三曰。君子夫夫獨行。句遇雨若濡。言遇雨而濡也。莊二十二年左傳曰。幸若獲宥。及於寬政。言幸而獲

宥也。吳語。越王命徇於軍曰。有眩瞽之疾者。以告。王親命之曰。我有大事。子有眩瞽之疾。其歸若已。言子

其歸而止息也。

小爾雅曰：若乃也。書秦誓曰：日月逾邁，若弗員來。言乃弗云來也。某氏傳訓若爲如失之。周語引書曰：必有忍也。若

能有濟也。韋注曰：若猶乃也。管子海王篇曰：一女必有一鍼一刀。若其事立。耕者必有一耒一耜一鋤。若

其事立。行服連軹葦者，必有一斤一鋸一椎一鑿。若其事立。孟子公孫丑篇曰：今言王若易然，則文王不

足法與？若字並與乃同義。又書稱王若曰：微子若曰：父師若曰：周公若曰者，並與乃曰同義。

若猶則也。老子曰：故貴以身爲天下，若可寄天下；愛以身爲天下，若可託天下。莊子在宥篇若並作則。

家大人曰：若詞之惟也。般庚曰：予若顛懷茲新邑。大誥曰：若昔朕其逝。君奭曰：若天棗忱。大誥曰：越天棗忱。越字亦語助。

呂刑曰：若古有訓。若字皆是語詞之惟。又文侯之命曰：女多脩扞我於艱。若女子嘉。吳語曰：伯父令女來

明紹享余一人。若余嘉之。禮記祭統曰：叔舅，予女銘。若纂乃考服。若字亦是語詞之惟。金縢曰：惟爾元孫

某，遘厲虐疾。若爾三王，若亦惟也。互文耳。說者或訓爲順。某氏尙書傳或訓爲汝。鄭氏祭統注或訓爲如。王肅文侯之命注

皆於文義未協。

然

范望注：太元務測曰：然猶是也。常語也。

廣雅曰：然，響也。書通禮記檀弓曰：有子曰：然。然則夫子有爲言之也。論語陽貨篇曰：然。有是言也。孟子公

孫丑篇曰。然。夫時子惡知其不可也。此三然字。但爲應詞而不訓爲是。

家大人曰。然。故是故也。禮記少儀曰。事君者。量而后入。不入而后量。凡乞假於人。爲人從事者亦然。然。故

上無怨而下遠罪也。

然。故是故也。正義以然字絕句讀。失之義見下。

管子任法篇曰。聖君置儀設法而固守之。然。故諶柎習士聞

識博學之人。不可亂也。衆彊富貴私勇者。不能侵也。信近親愛者。不能離也。珍怪奇物。不能惑也。萬物百

事。非在法之中者。不能動也。今天下則不然。皆有善法而不能守也。然。故諶柎習士聞識博學之士。能以

其智亂法惑上。衆彊富貴私勇者。能以其威犯法侵陵。鄰國諸侯。能以其權置子立相。大臣能以其私附

百姓。翦公財以祿私士。又曰。聖君設度量。置儀法。如天地之堅。如列星之固。如日月之明。如四時之信。然

故令往而民從之。又曰。遵主令而行之。雖有傷敗。無罰。非主令而行之。雖有功利。罪死。然。故下之事上也。

如響之應聲也。臣之事主也。如景之從形也。荀子大略篇曰。從士以上。皆羞利而不與民爭業。樂分施而

恥積藏。然。故民不困財。貧窶者有所竄其手。韓子難三曰。力盡於事。歸利於上者。必聞。聞者必賞。污穢爲

私者必知。知者必誅。然。故忠臣盡忠於公。民士竭力於家。百官精勉於上。以上諸書。皆以然。故二字連讀。

禮記大傳注曰。然。如是也。凡經稱然則。雖然。不然。無然。胡然。夫然者。皆是也。常語也。

然。詞之轉也。亦常語也。

然而者。亦詞之轉也。孟子公孫丑篇曰。夫二子之勇。未知其孰賢。然而孟施舍守約也。今人用然而二字。

皆與此同義。

然而者。詞之承上而轉者也。猶言如是而也。考工記曰。材美工巧。然而不良。則不時。不得地氣也。儀禮喪服傳曰。故昆弟之義無分。然而有分者。則辟子之私也。禮記文王世子曰。有父在則禮然。然而衆知父子之道矣。三年問曰。將由夫患邪淫之人與。則彼朝死而夕忘之。然而從之。則是曾鳥獸之不若也。僖三十年公羊傳曰。或曰往矣。或曰反矣。然而晉人與姜戎要之殺而擊之。何注。然。然上議。猶豫。留住之頃也。宣六年傳曰。然而宮中甲鼓而起。定八年傳曰。然而甲起於琴如。孟子梁惠王篇曰。七十者衣帛食肉。黎民不飢不寒。然而不王者。未之有也。以上言然而者。皆謂如是而也。今人用然而二字。則與此異義矣。

然。狀事之詞也。若論語斐然。喟然。儼然之屬。是也。常語也。

然。比事之詞也。若大學如見其肺肝然。是也。亦常語。

然。猶焉也。禮記檀弓曰。穆公召縣子而問然。鄭注。然之言焉也。祭義曰。國人稱願然。句曰。幸哉有子如此。

然。猶焉也。上屬爲句。鄭注。然。猶而也。則下屬爲句。失之。哀公問曰。君子以此之爲尊敬然。又曰。寡人願有言然。論語泰伯篇曰。禹吾

無閒然矣。先進篇曰。若由也。不得其死然。孟子公孫丑篇曰。今時則易然也。然字並與焉同義。又楚辭九

章曰。然容與而狐疑。九辯曰。然欲僚而沈藏。然字亦與焉同義。然焉。皆乃也。既見焉字下。焉。然古同聲。故祭義國人稱

願然。大戴記曾子大孝篇。然作焉。

然猶而也。詩終風曰：惠然肯來。言惠而肯來也。北風曰：惠而好我。定之方中曰：卜云其吉，終然允臧。言既而允臧也。終猶既也。說見終字下。定八年公羊傳曰：卻反舍於郊，皆說然息。言脫而息也。何注：然猶如。如亦而也。管子版法解篇曰：然則君子之爲身，無好無惡，然已乎。然已而已也。

然後而後也。乃也。常語也。

然且而且也。昭十三年穀梁傳曰：失德不葬，弑君不葬，滅國不葬。然且葬之。孟子公孫丑篇曰：識其不可然且。至莊子秋水篇曰：其不可行明矣。然且語而不舍。韓子難言篇曰：夫至智說至聖，然且七十說而不受。

然猶乃也。晉語：文公謂寺人勃鞞曰：豈不如女言。然是吾惡心也。言乃是吾惡心也。吾請去之。莊子天地篇曰：始

也。我以女爲聖人邪。今然君子也。荀子脩身篇曰：行而供翼，非瀆淖也。行而俯項，非擊戾也。偶視而先俯，非恐懼也。然夫士欲獨脩其身，不以得罪於比俗之人也。言士之恭敬如此，乃欲自修其身，非恐得罪於流俗也。賈子脩政語篇曰：

譬其若去日之明於庭，而就火之光於室也。然可以小見而不可以大知。司馬相如封禪文曰：若然辭之，是泰山靡記而梁甫罔幾也。史記傅靳鄙成傳贊曰：鄙成侯周緜，操心堅正，身不見疑。上欲有所之，未嘗不垂涕。此有傷心者。然可謂篤厚君子矣。然字並與乃同義。

然猶則也。墨子尚同篇曰：何以知尚同一義之可而爲政於天下也。然胡不審稽古之治，爲政之說乎。非

命篇曰。有聞之有見之謂之有。莫之聞莫之見謂之亡。然胡不嘗考之百姓之情。自古以及今。生民以來者。亦嘗見命之物。聞命之聲者乎。然胡不。則胡不也。莊子外物篇曰。鮒魚曰。吾得斗升之水。然活。則活也。

尔 爾

說文。尔。詞之必然也。字通作爾。鄭注檀弓曰。爾。語助也。文選古詩注引字書曰。爾。詞之終也。常語也。爾。猶然也。若論語卓爾。率爾。鏗爾。莞爾之屬。是也。亦常語。

爾。猶如此也。雜記曰。宦於大夫者之爲之服也。自管仲始也。有君命焉爾也。焉。猶乃也。見焉爾。如此也。言

有君命乃如此也。孟子告子篇曰。富歲子弟多賴。凶歲子弟多暴。非天之降才爾殊也。言非天之降才如此其異也。凡後人言不爾。乃爾。果爾。聊復爾耳者。並與此同義。

爾。猶此也。隱二年公羊傳曰。前此。則曷爲始乎。此託始焉爾。何注焉爾。猶於是也。是亦此也。僖二十一年。公會諸侯盟於薄。釋宋公。傳曰。執。未有言釋之者。此其言釋之何。公與爲爾也。公與爲爾。柰何。公與議爾也。言公與爲此。公與議此也。

爾。猶而已也。禮記檀弓曰。不以食道。用美焉爾。言用美焉而已也。又曰。唯祭祀之禮。主人自盡焉爾。豈知神之所饗。亦謂主人自盡焉而已也。郊特牲曰。豈知神之所饗也。主人自盡其敬而已矣。是其證也。莊四

年公羊傳曰其國亡矣徒葬於齊爾僖三十一年傳曰不崇朝而徧雨乎天下者唯大山爾論語鄉黨篇曰即便言唯謹爾並與而已同義

爾猶矣也詩噫嘻曰噫嘻成王既昭假爾箋曰噫嘻乎能成周王之功其德已著至矣是爾與矣同義又僖二年公羊傳曰君若用臣之謀則今日取郭而明日取虞爾宣十五年傳曰莊王圍宋軍有七日之糧爾盡此不勝將去而歸爾數爾字亦與矣同義

爾猶焉也隱元年公羊傳曰然則何言爾二年傳曰何譏爾三年傳曰何危爾僖五年穀梁傳曰何尊焉又曰何重焉何僖二年傳曰則中國曷爲獨言齊宋至爾爾字並與焉同義又禮記檀弓曰夫子何善爾也孟子滕文公篇曰彼有取爾也離婁篇曰所惡勿施爾也爾字亦與焉同義

耳

耳猶而已也論語陽貨篇前言戲之耳是也管子臣乘馬篇曰故春事二十五日之內耳也耳也者而已也晏子雜篇曰晏子食脫粟之食炙三七五卯苔菜耳矣孟子離婁篇曰人之易其言也無責耳矣呂氏春秋壹行篇曰與麋鹿虎狼無以異多勇者則爲制耳矣耳矣者而已矣也此與後耳矣異義齊策曰若乃得夫不肖者而爲賢者狗豈特攫其腓而噬之耳哉耳哉者而已哉也

家大人曰耳猶矣也大戴記曾子立事篇曰嗜酤酒好謳歌巷遊而鄉居者乎吾無望焉耳言吾無望焉

矣也。禮記樂記曰：則樂之道歸焉耳。歸終也。見呂氏春秋報更求人二篇注言萬物各得其所，則樂之道終焉矣。正義謂歸功於

樂失之論語雍也篇曰：女得人焉耳乎？言汝得人焉矣乎？耳矣。猶已矣也。已與矣皆詞之終，而連言之，則曰已矣。論語始可與言詩已矣，是也。耳與矣亦皆詞之終，而連言之，則曰耳矣。禮記檀弓曰：勿之有悔焉耳矣。祭統曰：夫銘者壹稱，而上下皆得焉耳矣。是也。耳與已聲相近，或言已矣，或言耳矣，其義一也。

仍

爾雅曰：仍，乃也。史記淮南衡山傳贊曰：淮南衡山專挾邪僻之計，謀爲畔逆，仍父子再亡國，各不終其身。仍者，乃也。言淮南衡山謀爲畔逆，乃至父子再亡其國，各不終其身也。漢書贊與史記同。師古曰：仍，頻也。頻，父子再亡國，斯爲不詞矣。又匈奴傳：漢復遣大將軍衛青將六將軍十餘萬騎，仍再出定襄，數百里擊匈奴，仍亦乃也。故史記作乃，再出定襄，師古曰：仍，頻也。頻，再出定襄，愈爲不詞矣。說文：仍，從乃聲，故乃字或通作仍。說見經義述聞爾雅。

聊 憯

詩泉水曰：聊與之謀。毛傳：聊，願也。箋曰：聊，且略之辭。聲類作憯，義與箋同。

見文選筆賦注

來

來詞之是也。詩谷風曰：不念昔者，伊予來暨。伊，惟也。來，猶是也。暨，讀爲愾，愾，怒也。此承上有洸有潰言之。毛傳：洸，洸也。潰，潰也。言君子不念昔日之情，而惟我是怒也。我始來之時，安息我，皆失之。辯見經義述聞。桑柔曰：也。潰，潰怒也。

既之陰女，反予來赫。言我以善言蔭覆汝，而汝反於我是赫怒也。伊予來暨，反予來赫，句法正相近矣。又

四牡曰：將母來諗，言我惟養母是念也。采芑曰：荆蠻來威。今本荆蠻譌作蠻荆。段氏江漢曰：淮夷來求，淮

夷來鋪，皆謂荆蠻是威，淮夷是求，淮夷是病也。江漢又曰：王國來極，亦謂王國是正也。漢書兒寬傳：天子

曰：極，正也。引周禮以爲民極。逸周書武順篇曰：正及神人曰極。六月曰：王于出征，以匡王國是也。解者皆以爲往來之來，遂詰籀爲病

矣。

來，句中語助也。莊子大宗師篇：子桑戶死，孟子反子琴張相和而歌曰：嗟來桑戶乎！嗟來桑戶乎！嗟來，猶

嗟乎也。

來，句末語助也。孟子離婁篇曰：盍歸乎來！莊子人間世篇曰：嘗以語我來。又曰：子其有以語我來。來字皆

語助。

卷八

雖唯惟

玉篇曰。雖。詞兩設也。常語也。字或作唯。春秋桓十四年。秋八月壬申。御廩災。乙亥。嘗。穀梁傳曰。御廩之災。不志。此其志何也。以爲唯未易災之餘而嘗可也。志不敬也。何用見其未易災之餘而嘗也。曰。甸粟而內之三宮。三宮米而藏之御廩。夫嘗必有兼甸之事焉。今本句譌作甸。辯見經義述聞。壬申。御廩災。乙亥。嘗。以爲未易災之餘而嘗也。家大人曰。傳言以爲未易災之餘而嘗者。火焚之餘米不可以奉宗廟。必易之而後可。易之則甸粟而納之三宮。三宮米而藏之御廩。其事非兼甸不能具。今壬申災而乙亥嘗。相距不過三日。則是未易災之餘而嘗也。故上文曰。以爲唯未易災之餘而嘗可也。志不敬也。唯。卽雖字也。言魯人不易其災之餘而嘗者。其意若曰。雖未易災之餘而嘗可也。則不敬莫大乎是。故書之曰。壬申。御廩災。乙亥。嘗。所以志不敬也。徐邈讀可也。絕句。志不敬也。自爲句。正與傳意相合。范注乃用鄭嗣之說。讀可也。志爲句。而釋之曰。唯以未易災之餘而嘗。然後可志也。如其說。則上下文皆不可通。總由不知唯爲雖之借字。故字義失。而句讀亦舛矣。禮記少儀。雖有君賜。雜記。雖三年之喪可也。鄭注並曰。雖。或爲唯。表記。唯。天子受命於天。注曰。唯當爲雖。荀子性惡篇曰。今以仁義法正爲固無可知可能之理。邪。然則唯禹不知仁義法正。不能仁義法正也。楊倞注。唯。讀爲雖。秦策曰。弊邑之王所甚說者。無大大王。唯儀之所甚願爲臣者。亦無大大王。弊邑之王所甚憎者。無先齊王。唯儀之所甚憎者。亦無先齊王。史記張儀傳。唯皆作雖。史記汲黯傳。宏湯深心疾黯。唯天子亦不說也。漢書唯作雖。漢書楊雄傳。解嘲。唯其人之瞻知哉。亦會其時之可爲也。文

選唯作雖。又大戴禮虞戴德篇曰：君以聞之。以與同。唯某無以更也。墨子尚同篇曰：唯欲毋與我同。將不可得也。荀子大略篇曰：天下之人唯各持意哉。然而有所共予也。趙策曰：君唯釋虛僞疾。文信猶且知之也。史記范雎傳曰：須賈問曰：孺子豈有客習於相君者哉。范雎曰：主人翁習知之。唯雎亦得謁。司馬相如傳曰：相如使時。蜀長老多言通西南夷不爲用。唯大臣亦以爲然。此皆古書借唯爲雖之證也。字又作惟。史記淮陰侯傳曰：信問王曰：大王自料。勇悍仁彊。孰與項王。漢王默然良久曰：不如也。信再拜賀曰：惟信亦爲大王不如也。漢書惟作唯。字並與雖同。顏師古斷唯字爲句。而以爲應辭。非是。辯見讀書雜誌。淮南精神篇曰：不識天下之以我備其物與。且惟無我而物無不備者乎。惟亦與雖同。說文雖字以唯爲聲。故雖可通作唯。唯亦可通作雖。互見惟字下。

肆

肆。遂也。書堯典曰：肆類于上帝。又曰：肆覲東后。史記五帝紀：肆並作遂。遂肆聲相近。方俗語有侈弇耳。爾雅曰：肆，故也。書大誥曰：肆朕誕以爾東征。漢書翟義傳：王莽做大誥，作故。予大以爾東征。無逸曰：肆中宗之享國，七十有五年。史記魯世家：肆作故。詩：肆不殄厥愠。思齊曰：肆戎疾不殄。肆成人有德。抑曰：肆皇天弗尙。肆字皆當訓爲故。傳箋並云：肆，故今也。失之。說見經義述聞爾雅。

自

自詞之用也。書康誥曰：凡民自得罪，某氏傳訓自爲用。召誥曰：自服于土中。鄭注亦曰：自用也。自猶苟也。成十六年左傳曰：自非聖人，外寧必有內憂。言苟非聖人也。

茲 滋

爾雅曰：茲，此也。常語。

茲猶斯也。書酒誥曰：朝夕曰祀茲酒。言朝夕戒之曰：惟祭祀斯用酒也。故下文曰：飲惟祀。昭七年左傳曰：三命茲益共。二十六年傳曰：若可師有濟也。君而繼之，茲無敵矣。茲字亦與斯同義。

茲者，承上起下之詞。昭元年左傳曰：勿使有所壅閉湫底，以露其體。茲心不爽而昏亂百度。二十六年傳曰：單旗劉狄帥羣不弔之人，以行亂于王室。晉爲不道，是攝是贊，思肆其罔極。茲不穀，震盪播越，竄在荆蠻。此兩茲字，皆承上起下之詞。猶今人言致令如此也。杜注訓茲爲此，皆失之。茲字或作滋。昭五年傳曰：君若驩焉，好逆使臣，滋敝邑休息而忘其死亡，無日矣。滋亦承上起下之詞。

斯

爾雅曰：斯，此也。常語。

斯猶則也。亦常語。

斯猶乃也。書洪範曰：女則錫之福。時人斯其惟皇之極。金縢曰：周公居東二年，則罪人斯得。詩小旻曰：謀

猶回。通何。日斯沮。賓之初筵曰。大侯既抗。弓矢斯張。角弓曰受爵。不讓。至于已斯亡。禮記檀弓曰。人喜則

斯陶。陶斯咏。咏斯猶。猶斯舞。斯字並與乃同義。詩斯干曰。乃安斯寢。乃寢乃興。斯亦乃也。互文耳。斯猶其也。詩采芣曰。朱芾斯皇。斯干曰。如跂斯翼。如矢斯棘。如鳥斯革。如翬斯飛。甫田曰。乃求千斯倉。乃求萬斯箱。白華曰。有扁斯石。思齊曰。則百斯男。皇矣曰。王赫斯怒。烈祖曰。有秩斯祐。斯字並與其同義。斯猶維也。采芣曰。彼爾維何。維常之華。彼路斯何。君子之車。斯亦維也。猶韓奕曰。其殽維何。鯈鼈鮮魚。其藪維何。維筍及蒲也。

斯猶是也。詩七月曰。朋酒斯饗。公劉曰。于京斯依。又曰。于鹵斯館。

斯猶然也。禮記玉藻曰。二爵而言言斯。言言然也。上言洒如此言言斯。斯與如皆形容之詞。鄭注。斯猶耳也。耳疑當作爾。言言爾猶云縱縱爾。折折爾也。

論語鄉黨篇曰。色斯舉矣。翔而後集。何注引馬融曰。見顏色不善。則去之。皇侃疏以爲孔子在處。觀人顏

色而舉動也。憲問篇。其次辟色。何引孔傳曰。色斯舉也。正與此注相應。然下句翔而後集。自指鳥言之。若

謂孔子辟色。則與下句意不相屬矣。若謂鳥見人之顏色不善而飛去。則人之顏色不善。又豈鳥所能喻

乎。今案色斯者。狀鳥舉之疾也。與翔而後集。意正相反。色斯猶色然。驚飛貌也。呂氏春秋審應篇曰。蓋聞

君子猶鳥也。駭則舉。哀六年公羊傳曰。諸大夫見之。皆色然而駭。何注曰。色然。驚駭貌。義與此相近也。漢

人多以色斯二字連讀。論衡定賢篇曰。大賢之涉世也。翔而有集。色斯而舉。議郎元賓碑曰。翻響色斯。竹邑侯相張壽碑曰。君常懷色斯。遂用高逝堂邑令費鳳碑曰。色斯輕翔。翻然高翳。

雙屬別碑曰。功成事就。色斯高舉。

斯語已詞也。若恩斯。勤斯。嚮子之閔斯。是也。常語也。

斯語助也。詩螽斯曰。螽斯羽。毛傳以螽斯爲斯螽。非。辯見廣雅疏證。小弁曰。鹿斯之奔。瓠葉曰。有兔斯首。鄭箋以斯首爲白首。非。斯字

皆語助。

些

廣雅曰。些。詞也。曹憲音先計反。楚辭招魂用此字。爾雅釋文曰。些。息計反。又息賀反。語餘聲也。說文新附字曰。些。語詞也。見楚辭。从此从二。其義未詳。家大人曰。些。卽些字之譌也。草書些字作些。隸書因變而爲些矣。說文些。苛也。從口。此聲。爾雅些。此也。釋文曰。些。子爾反。或子移反。郭音些。玉篇些。息計切。此也。辭也。又息箇切。廣韻去聲十二霽。些。蘇計切。此也。辭也。何也。楚音蘇箇切。集韻十二霽。些。思計切。語辭。或作些。三十八箇。些。四箇切。語辭也。見楚辭。或作些。據爾雅釋文云。些。郭音些。是些字兼有些音也。玉篇廣韻並云。些。此也。卽爾雅些字之訓。廣韻些。何也。卽說文些字之訓。說文些。苛也。苛。何皆古呵字。見周官漢書。而集韻又云。些。或作些。故知些卽些之譌也。些字以此爲聲。則當以息計爲正音。息箇爲變音矣。凡平聲之支歌。上聲之紙哿。去聲之寘箇。多有一字而兩韻兼者。楚辭之些。與詩之斯字同義。爾雅斯些皆訓爲此。而聲又相近。故二者又皆爲語詞。

思

思語已詞也。詩漢廣曰：南有喬木，不可休息。毛傳曰：思，辭也。他皆放此。案宣十二年左傳引詩，鋪時釋思，念之思云。陳擇而思行之，則累於詞矣。

思發語詞也。車轅曰：思變季女逝兮。思，詞也。思變季女，思齊大任。思媚周姜，句文王曰：思皇多士。毛傳：思

思齊曰：思齊大任。大任，思齊也。常思莊敬者。又曰：思媚周姜。公劉曰：思輯用光。傳曰：言民相與和睦，以顯

箋曰：思在和其民人。思文曰：思文后稷。思，詞也。箋曰：思先祖有文載見曰：思皇多祜。思皇多士。思皇多祜，

失之。孟子趙注同。思文曰：思文后稷。思，詞也。箋曰：思先祖有文載見曰：思皇多祜。思皇多士。思皇多祜，

句法相同。箋曰：皇，君也。良耜曰：思媚其婦。有噴其籃，思媚其婦，有依其土，有略泮水曰：思樂泮水。思詞也。

已思樂傳公之修。泮宮之水失之。思字皆發語詞。

思句中語助也。關雎曰：寤寐思服。傳曰：服，思之也。訓服為思之，則思服之思當是語助。箋曰：服，事

旨酒思柔。絲衣篇同。柔和也。思柔與其棘對。交是思為語助也。箋曰：其飲美酒，思得柔順。文王有聲曰：自

西自東，自南自北，無思不服。無思不服，無不語助耳。閔予小子曰：於乎皇王，繼序思不忘也。烈文曰：於乎前王，不

忘。無思字是思為語助也。思皆句中語助。
將

論衡知實篇曰：將者，且也，常語也。

將猶其也。隱元年左傳曰：君將若之何？莊十四年傳曰：君其若之何？成二年傳曰：國將若之何？昭十二年

傳曰。國其若之何。其義一也。將與其同義。故二字可以互用。成十四年傳曰。是夫也。將不唯衛國之敗。其必始于未亡人。昭八年傳曰。其非唯我賀。將天下實賀。晉語曰。行之克也。將以害之。若其不克。其因以罪之。皆是也。將與其同義。故又可以連用。隱三年左傳。其將何辭以對。是也。互見其字下。將猶抑也。楚辭卜居曰。吾寧悃悃款款。朴以忠乎。將送往勞來。斯無窮乎。楚策曰。先生老悖乎。將以爲楚國祿祥乎。將字並與抑同義。

將猶乃也。宣六年左傳曰。使疾其民。以盈其貫。將可殪也。墨子尚賢篇曰。譬若欲衆其國之善射御之士者。必將富之貴之敬之譽之。然後國之善射御之士。將可得而衆也。此將字猶乃也。與上將字異義。將字並與乃同義。

且徂

呂氏春秋音律篇注曰。且將也。詩雞鳴曰。會且歸矣。是也。常語也。

且猶尙也。易乾文言曰。天且不違。是也。亦常語。

且猶又也。春秋文五年。王使榮叔歸含。且贈穀梁。傳曰。其曰且。志兼也。亦常語。

且猶抑也。禮記會子問曰。葬引至於壙。日有食之。則有變乎。且不乎。齊策曰。王以天下爲尊秦乎。且尊齊乎。史記魏世家曰。富貴者驕人乎。且貧賤者驕人乎。且字並與抑同義。

且姑且也。詩山有樞曰。且以喜樂。且以永日。是也。常語也。

禮記檀弓。夫祖者且也。且胡爲其不可以反宿也。鄭注曰。且未定之辭。

廣雅曰。且借也。隱元年公羊傳曰。且如桓立。則恐諸大夫之不能相幼君也。何注曰。且如假設之辭。莊子齊物論篇曰。今且有言於此。

且猶若也。隱三年公羊傳曰。且使子而可逐。則先君其逐臣矣。呂氏春秋知士篇。劓貌辨答宣王曰。王方爲太子之時。辨謂靜郭君曰。太子不仁。不若革太子。更立衛姬嬰兒校師。靜郭君曰。不可。吾弗忍爲也。且靜郭君聽辨而爲之也。必無今日之患也。齊策且作若。去尤篇曰。邾之故法爲甲裳以帛。公息忌謂邾君曰。不若以組。凡甲之所以爲固者。以滿竅也。今竅滿矣。而任力者半耳。且組則不然。竅滿則盡任力矣。燕策曰。燕南附楚。則楚重。西附秦。則秦重。中附韓魏。則韓魏重。且苟所附之國重。此必使王重矣。且字並與若同義。

且猶此也。今也。詩載芟曰。匪且有且。匪今斯今。振古如茲。毛傳曰。且此也。正義曰。今謂今時。則且亦今時。其實是一。作者美其事。而丁寧重言之耳。字亦作徂。詩出其東門。匪我思且。釋文且音徂。爾雅云。徂存也。徂通作且。故且亦通作徂。書業誓曰。徂茲淮夷徐戎並興。徂讀爲且。且今也。言今茲淮夷徐戎並興也。某氏傳以徂爲往征。往征茲淮夷徐戎並興。斯爲不詞矣。且經言徂。不言徂征也。

且夫者。指事之詞。且與今同義。或言今夫。或言且夫。其實一也。

且猶夫也。墨子非攻篇曰：今且天下之王公大人士君子，今且今夫也。孟子公孫丑篇曰：若是則弟子之惑滋甚。且以文王之德，百年而後崩，猶未洽於天下。史記魏世家：翟璜問李克曰：今者聞君召先生而卜相，果誰爲之？李克曰：魏成子爲相矣。翟璜忿然作色曰：臣何負於魏成子？李克曰：且子之言克於子之君者，豈將比周以求大官哉？春申君傳曰：李園，弱人也，僕又善之，且又何至此？且字並與夫同義。且更端之詞也。若論語且爾言過矣，是也。常語也。

且發語詞也。韓子難二曰：景公過晏子曰：子宮小近市，請徙子家。豫章之圃，晏子再拜而辭曰：且嬰家貧，待市食而朝暮趨之，不可以遠。呂氏春秋貴信篇曰：莊公左搏桓公，左抽劍以自承，管仲鮑叔進，曹劌按劍當兩陞之間曰：且二君將改圖，無或進者。趙策曰：公子牟辭應侯，應侯曰：公子將行矣，獨無以教之乎？且微君之命命之也。臣固且有效於君。上且字發語詞，與下且字異義。司馬相如封禪文曰：或曰：且天爲質闡，示珍符，固不可辭。且字皆發語詞。

且句中語助也。莊子齊物論篇曰：夫隨其成心而師之，誰獨且無師乎？又曰：果且有彼是乎哉？果且無彼是乎哉？呂氏春秋無義篇曰：公孫鞅使人謂公子卬曰：今秦令鞅將，魏令公子當之，豈且忍相與戰哉？且字皆句中語助。

且子餘反

詩山有扶蘇曰不見子都乃見狂且毛傳且辭也。

徂

徂猶及也。詩雲漢曰不殄禋祀自郊徂宮言禋祀之禮自郊而及於宗廟也。箋曰從郊而至宗廟至亦及也。絲衣曰自堂徂基自羊徂牛。爾鼎及爾徂亦及也。互文耳。鄭訓徂為往非也。自羊徂牛則文不成義。言此絲衣載弁之人其視壺濯籩豆與告濯具則自堂以及基其視牲告充則自羊以及牛耳。先羊而後牛者變文協韻。耳傳以為先小後大非也。其舉鼎冪告絜則自爾以及爾也。以上三徂字皆謂自此及彼不得以往之一訓該之。

作

作始也。家大人曰作之言乍也。乍者始也。詩駟傳曰作始也。廣雅同。書皋陶謨曰烝民乃粒萬邦作乂作與乃對文言烝民乃粒萬邦始治也。禹貢曰萊夷作牧言萊夷水退始放牧也。又曰沱潛既道雲土夢作乂作與既對文言雲土夢始治也。史記夏本紀皆以為字代之於文義稍疏矣。

作猶及也。書無逸曰其在高宗時舊勞于外爰暨小人作其即位乃或亮陰三年不言又曰其在祖甲不義惟王舊為小人作其即位爰知小人之依皆謂及其即位也。某氏傳訓作為起失之作與徂聲相近。廣韻

作字又臧祚切。擊近徂。故二者皆可訓為及。

音增此曾是以為孝乎。曾之曾俗讀如層非也。

會乃也。則也。說文曰：會，詞之舒也。高注：淮南修務篇曰：會則也。鄭注：檀弓曰：則之言會。詩：河廣曰：會不容刀。會不崇朝。板曰：會莫惠我師。召旻曰：會不知其玷。禮記三年問曰：則是會鳥獸之不若也。釋文：會，吳語則能反。

曰：越會足以爲大虞乎。閔二年公羊傳曰：設以齊取魯，會不興師，徒以言而已矣。論語八佾曰：會謂泰山不如林放乎。皇侃疏：會之言則也。釋文：會則登反。先進曰：吾以子爲異之間，會由與求之間。孔傳曰：則此二人之間。皆是也。

會是乃是也。則是也。詩正月曰：會是不意。蕩曰：會是彊禦。會是掎克。會是在位。會是在服。正義曰：言會者，人之語猶然。又曰：會是莫聽。論語爲政曰：會是以爲孝乎。馬注：汝則謂此爲孝乎。釋文：會音增。馬云：則皇侃云：皆疏。皆是也。

何會何乃也。何則也。孟子公孫丑篇曰：爾何會比予於管仲。趙注曰：何會何乃也。孫奭音義：會，丁音增。則也。乃也。賈子論

誠篇曰：王何會惜一蹄屨乎。晏子春秋外篇曰：讒佞之人，則奚會爲國常患乎。奚會猶何會。方言曰：會何也。廣雅：湘潭之原，荆之南鄙，謂何爲會。若中夏言何爲也。

會音層此會經之會

會猶嘗也。閔元年公羊傳曰：莊公存之時，樂會淫于宮中。釋文：會，才能反。案：玉篇：會，子登切。則也。又才登切。經也。廣韻同。是訓爲則者，乃會。是會謂之會。

音子登切。訓爲經者，乃會經之會。音才登切。羣經音辨：會則也。作滕切。會嘗也。昨滕切。嘗即會經之義。以上諸書皆音義列然，不相淆雜。說文：會，詞之舒也。此即會是會謂之會。當讀如增。而徐鉉音昨，棧切。則誤讀如層矣。集韻：會，徂棧切。引說文：詞之舒也。卽踵徐氏之誤。自是以後，遂以會是會謂之會。讀如層矣。當依玉篇廣韻及經典釋文改正。

替音 憯 憯 憯

說文替會也。引詩替不畏明。字或作憯。憯又作慘。爾雅憯會也。郭注曰發語辭。詩節南山曰憯莫懲嗟。毛傳曰憯會也。民勞傳及十月之交箋並同。釋文作憯。十月之交曰胡憯莫懲。釋文憯亦作慘。民勞曰憯不畏明。釋文正義及昭二十年左傳引詩並作慘。雲漢曰憯不知其故。釋文亦作慘。會替皆詞也。故其字並從曰。或言會。或言替。語之轉耳。

哉

說文哉言之閒也。

哉問詞也。若詩北門謂之何哉之屬是也。

禮記曾子問正義曰哉者疑而量度之辭。若堯典我其試哉之屬是也。

哉歎詞也。或為歎美。若大哉乾元之屬。或為嗟歎。若帝曰嘒哉之屬。隨事有義也。

哉猶矣也。若絃哉。亟哉。益哉。欽哉。懋哉。敬哉。念哉之屬是也。

哉句中語助也。書大誥曰肆哉爾庶邦君。謂肆爾庶邦君也。哉字無意義。

載 馱

載猶則也。有句中疊用之者。若載脂載率是也。有數句疊用之者。若載寢之牀。載衣之裳。載弄之璋是也。

詩載馳傳曰載辭也箋曰載之言則也章注周語同字亦作覲廣雅曰覲詞也石鼓文曰覲西覲北

則即

則者承上起下之詞廣雅曰則即也字或通作卽書禹貢曰西戎卽敘卽與則同敘順也敘與順同義說見經義述聞百

換時敘下言西戎則皆順從也上言三苗不敘此言西戎卽敘卽與丕皆詞耳丕爲語詞說見丕字下某氏傳曰羌髻之

屬皆就次敘漢書西域傳贊曰書曰西戎卽序禹既就而序之非上威服致其貢物也皆訓卽爲就敘爲

次敘失其旨矣則與卽古同聲而通用大戴禮曾子立事篇三十四十之間而無藝卽無藝矣五十而不

引此則作卽秦策此則君何居焉史記蔡澤傳則作卽春申君傳則楚更立君楚策則作卽魯仲連傳則臣傳

則作卽蘇秦傳與之則無地以給之韓策則作卽春申君傳則楚更立君楚策則作卽魯仲連傳則臣見

公之不能得也齊策則作卽則猶其也禮記檀弓曰人之稱斯師也者則謂之何言其謂之何也僖二十三年左傳曰淫刑以逞誰則

無罪言誰其無罪也文十七年傳曰雖我小國則蔑以過之矣言其蔑以過之也吳語曰君有短垣而自

踰之況荆蠻則何有於周室言其何有於周室也昭九年左傳伯父若裂冠毀冕拔本塞

原專棄謀主雖戎狄其何有余一人則猶而也文二年左傳曰周志有之勇則害上不登於明堂言勇而害上也逸周書大匡篇作勇昭三年

傳曰寡君願事君朝夕不倦將奉質幣以無失時則國家多難是以不獲言而國家多難也莊子逍遙遊

篇曰其視下也亦若是則已矣則已矣而已矣也荀子榮辱篇曰夫貴爲天子富有天下是人情之所同

欲也。然則從人之欲，則勢不能容，物不能贍也。史記封禪書曰：然則怪迂阿諛苟合之法，自此興。然則皆謂然而也。

則猶乃也。詩新臺曰：魚網之設，鴻則離之。言鴻乃離之也。雲漢曰：昊天上帝，則不我遺。羣公先正，則不我助。言乃不我遺，乃不我助也。桓六年左傳曰：吾性怪肥，臍棗盛豐備，何則不信。言何乃不信也。又書金縢曰：禾則盡起，言禾乃盡起也。詩草蟲曰：我心則降，言我心乃降也。大戴禮夏小正篇曰：鷹則爲鳩，言鷹乃爲鳩也。凡夏小正言則者皆放此月令曰：豺乃祭獸戮禽。呂氏春秋季秋紀：乃作則。書洪範曰：鉉則殛死，禹乃嗣興，則亦乃也。互文耳。

家大人曰：則猶若也。書洪範曰：女則有大疑，謀及乃心，謀及卿士，謀及庶人，謀及卜筮，言汝若有大疑也。禮記三年問曰：今是大鳥獸，則失喪其羣匹。越月踰時焉，則必反巡。言若失喪其羣匹也。荀子議兵篇曰：大寇則至，使之持危城，則必畔。遇敵處戰，則必北。言大寇若至也。趙策曰：彼則肆然而爲帝，過而遂正於天下，則連有赴東海而死矣。言彼若肆然而爲帝也。史記魯仲連傳彼則作彼，卽卽亦若也，互見卽字下燕策曰：誠得劫秦王，使悉反諸侯之侵地，則大善矣，則不可，因而刺殺之，言若不可也。韓詩外傳曰：臣之里婦，有夫死三日而嫁者，有終身不嫁者，則自爲娶，將何娶焉。漢書蔽通傳作足下卽欲求婦何取卽亦若也言若自爲娶也。史記言祖紀曰：今聞章邯降項羽，項羽乃號爲雍王。王關中，今則來。沛公恐不得有此，言今若來也。項羽紀曰：項王謂曹咎等曰：謹守

成皋則漢欲挑戰。慎勿與戰。漢書項籍傳。作卽漢欲挑戰。卽與則古字通。而同訓爲若。故史記高祖紀作若漢挑戰也。史記袁盎傳。申屠嘉曰。使君所言公事之曹與長史掾議。吾且奏之。卽私邪。吾不受私語。漢書卽作則。卽則皆若也。

則猶或也。或與若義相近。史記陳丞相世家曰。樊噲。帝之故人也。功多。且又乃呂后弟呂須之夫。有親且貴。帝以忿怒故欲斬之。則恐後悔。言或恐後悔也。

何則何也。墨子尙賢篇曰。故雖昔者三代暴王桀紂幽厲之所以失損其國家。傾覆其社稷者。已此故也。何則。皆以明小物而不明大物也。荀子宥坐篇曰。百仞之山。任負車登焉。何則。陵遲故也。韓子顯學篇曰。雖有不恃賞罰而恃自善之民。明主弗貴也。何則。國法不可失。而所治非一人也。齊策曰。觸聞古大禹之時。諸侯萬國。何則。德厚之道得。貴士之力也。義並與何也。同。秦策曰。臣恐韓魏之卑辭慮患而實欺大國也。此何也。王旣無重世之德於韓魏。而有累世之怨。史記春申君傳。此何也。作何則。

卽則

卽猶遂也。書西伯戡黎曰。殷之卽喪是也。常語也。

卽猶今人言卽今也。史記項羽紀。項羽卽日因留沛公與飲。是也。字亦作則。漢書王莽傳曰。應聲滌地。則時成創。顏注曰。則時卽時也。

卽猶今人言卽是也。襄八年左傳曰。非其父兄。卽其子弟。是也。字亦作則。鄭語曰。是非王之支子母弟。錫

舅也。則皆荆蠻戎狄之人也。非親則頑不可入也。

家大人曰。漢書西南夷傳注曰。卽猶若也。昭十二年左傳。南蔽枚筮之。遇坤之比。示子服惠伯曰。卽欲有事。何如。言若欲有事也。莊三十二年公羊傳。莊公病將死。謂季子曰。寡人卽不起此病。吾將焉致乎魯國。言若不起此病也。僖三十三年傳。百里子與蹇叔子送其子而戒之曰。爾卽死。必於殺之嶽巖。言爾若死也。襄二十七年傳。甯殖將死。謂其子喜曰。我卽死。女能固納公乎。言我若死也。賈子胎教篇。史驗病且死。謂其子曰。我卽死。治喪於北堂。史記孔子世家。季桓子病。願爾雅釋地曰。西方有比肩獸焉。與邛邛距虛比。爲邛邛距虛齧甘草。卽謂其病。康子曰。我卽死。若必相營。

邛邛距虛負而走。言若有難也。秦策曰。今王以漢中與楚。卽天下有變。王何以市楚也。言若天下有變也。趙策曰。所貴於天下之士者。爲人排患釋難解紛亂。而無所取也。卽有所取者。是商賈之人也。言若有所取也。魏策曰。今王恃楚之強。而信春申君之言。以是質秦。而久不可知。卽春申君有變。是王獨受秦患也。言若春申君有變也。史記秦本紀曰。晉公子圉聞晉君病。卽君百歲後。秦必留我。言若君百歲後也。晉世家曰。夷吾使卻芮厚賂秦。約曰。卽得入。請以晉河西之地與秦。言若得入也。鄭世家曰。齊襄公會諸侯於首止。鄭子臧曰。齊彊而厲公居櫟。卽不往。且率諸侯伐我。內厲公。言若不往也。又僖二十三年左傳。公子若反晉國。則何以報不穀。史記晉世家作子卽反國。何以報寡人。昭七年傳。我若獲沒。必屬說與何忌於夫子。孔子世家作吾卽沒。若必師之。管子戒篇。管仲寢疾。桓公往問之曰。仲父之疾甚矣。若不幸

而不起此疾。彼政我將安移之。韓子十過篇作卽不幸而不起此病。是卽與若同義。史記趙世家曰。朔之婦有遺腹。若幸而男。吾奉之。卽女也。吾徐死耳。卽亦若也。互文耳。

卽猶或也。或與若義相近。越語曰。若以越國之罪爲不可赦也。將焚宗廟。係妻孥。沈金玉於江。有帶甲五千人。將以致死。無乃卽傷君王之所愛乎。言或傷君王之所愛也。史記呂后紀曰。劉澤爲大將軍。太后王諸呂。恐卽崩後。劉將軍爲害。言或崩後爲害也。張丞相傳曰。戚姬子如意爲趙王。年十歲。高祖憂卽萬歲之後不全也。言或萬歲之後不全也。卽與則古同聲。故卽訓爲若。亦訓爲或。則訓爲或。亦訓爲若。互見則字下。

嗟音茲 子

說文。嗟。響也。嗟與響同。廣韻。嗟。嗟。憂聲也。倒言之。則曰嗟。或作嗟。茲。或作嗟。子。詩。綢繆曰。子兮子兮。如此良人何。毛傳曰。子兮者。嗟茲也。管子小稱篇曰。嗟茲乎。聖人之言長乎哉。秦策曰。嗟嗟乎。司空馬。楚策曰。嗟乎。子乎。楚國亡之日至矣。書大傳曰。諸侯在廟中者。愀然若復見文武之身。然後曰。嗟子乎。此蓋吾先君文武之風也。夫說苑貴德篇曰。嗟嗟乎。我窮必矣。揚雄青州牧箴曰。嗟茲天王。附命下土。並字異而義同。詩言子兮。猶曰嗟子乎。嗟嗟乎也。故傳以子兮爲嗟茲。正義曰。茲。此也。嗟。歎也。此身。箋謂子兮子兮。斥娶者。殆失其義。其注書大傳又曰。子成王也。案嗟子乎。乃諸侯之詞。諸侯之於天子。豈得稱之爲子乎。斯不然。

黍酒而進之。子反叱曰：「訾。」訾，韓子十過。訾，酒也。訾與訾同。

卷九

終衆

家大人曰：終，詞之既也。僖二十四年左傳注曰：終，猶已也。已止之已曰終。因而已然之已，亦曰終。故曰：詞之既也。詩終風曰：終風且暴。毛傳曰：終日風爲終風。韓詩曰：終風，西風也。此皆緣詞生訓，非經文本義。終猶既也。言既風且暴也。箋曰：既竟日風矣。而又暴疾，此因經文下有且字，故增既字以成其義。而不知經泰風，焚輪謂之積。邇風爲飄，以上六句通釋詩詞而不及終風。又曰：日出而風爲暴風，而雨土爲霾。陰而風爲曠。以上三句專釋此詩而亦不及終風。則終爲語詞明矣。下文終風且霾，終風且曠，義並與此同。

燕燕曰：終溫且惠，淑慎其身。言既溫且惠也。正義曰：終當顏色溫。北門曰：終窶且貧，莫知我艱。言既窶且貧也。箋曰：君於己祿薄，終不足。以爲禮，又近困於財，失之。伐木曰：神之聽之，終和且平。言既和且平也。那曰：既和且平，是也。箋曰：神與和而齊。甫田曰：禾易長畝，終善且有。言既善且有也。正義曰：終至成善。若聽之，使得如志，則友終相功也。失之。甫田曰：禾易長畝，終善且有。言既善且有也。正義曰：終至成善。若聽之，使得如志，則友終相功也。失之。

既長憂傷，又仍陰雨也。箋曰：終王之所行，其長可憂。終與既同義。故或上言終而下言且，或上言終而下言又，說者皆以終爲終竟之終，而經文上下相因之指，遂不可尋矣。又葛藟曰：終遠兄弟，謂他人父。言既遠兄弟也。傳曰：兄弟之道已相遠。箋曰：今已遠棄族親，已亦鄭揚之水曰：終鮮兄弟，維予與女。言既鮮兄

弟也。箋曰：後竟寧於兄弟之恩，訓終為竟，失之。定之方中曰：卜云其吉，終然允臧，然猶而也。見然字下。言既而允臧也。此言文公既遷而得吉，信如卜所云也。終然猶既而也。列女傳節義傳曰：昔吾先君莊王淫樂三年，不聽政事，終而能改卒，霸天下，言既而能改也。正義曰：終然信善，非直當今而已，則誤以終為終竟之終矣。說者以終為終竟，亦失之。引之謹案，載馳曰：許人尤之，衆穉且狂，衆讀為終。古字多借衆為終。史記五帝紀：怙終賊刑。書：崔駟傳：終作衆，轉策。臣使人刺之。終莫能就。史記刺客傳：終作衆。終既也。穉，驕也。管子重令篇：工以雕文刻鏤相穉。尹知章注：此承上文而言。女子善懷，亦各有道。是我之欲歸，未必非也。而許人偏見，輒以相尤，則既驕且妄矣。蓋自以為是，驕也。以是為非，妄也。毛公不知衆之為終，而云是乃衆幼穉且狂，許之大夫，豈必人人皆幼邪。

誰

說文曰：誰，何也。常語。

爾雅曰：誰，昔也。郭注曰：誰，發語辭。詩墓門曰：知而不已，誰昔然矣。鄭箋用爾雅。邵氏二雲爾雅正義曰：釋詁云：疇，誰也。誰疇一聲之轉。詩言誰昔，猶檀弓言疇昔之夜也。故為發語辭。

孰

爾雅曰：孰，誰也。常語。

孰，猶何也。家大人曰：孰，誰一聲之轉。誰，訓為何。故孰亦訓為何。晉語曰：惠公出共，世子而改葬之，臭達於外國人，誦之曰：孰是人斯而有是臭也。孰，何也。斯，詞也。言何是人而有是臭也。章注：孰，誰也。斯，斯世子也。誰，使人有是臭者。自墓

公使之也。於越語曰：孰是君也而可無死乎？言有君如是，何可不爲之死也。章注：孰，誰也。誰有恩惠如是，傳意不合。昭二十五年公羊傳曰：孰君而無稱，言何君而無稱也。論語八佾篇曰：是可忍也，孰不可忍也。楚辭九章曰：孰兩東門之可蕪。呂氏春秋知接篇曰：孰之壤壤也，可以爲之莽莽也。兩之字皆訓爲是。孰字並與何同義。又大戴禮曾子制言篇曰：則雖女親，庸孰能親女乎？庸孰皆何也。虛辯注：庸，用也。孰，誰也。皆失之。互見庸字下。連言庸孰者，古人恆有複語。若莊子言庸詎矣，又書傳中言孰與者，皆謂何如也。廣雅曰：與如也。秦策曰：秦昭王謂左右曰：今日韓魏孰與始強？對曰：弗如也。王曰：今之如耳。魏齊孰與孟嘗芒卯之賢？對曰：弗如也。齊策曰：田侯召大臣而謀曰：救趙孰與勿救？趙策曰：趙王與樓緩計之曰：與秦城何如不與？今本不與下衍何如二字。辯見讀書雜誌。是孰與即何如也。故漢書司馬相如傳：楚王之獵，孰與寡人。史記作何與寡人。

者 諸

說文者，別事詞也。或指其事，或指其物，或指其人，或言者，或言也者。禮記檀弓：魯人，有周豐也者。皆常語也。又爲起下之詞。或上言者而下言也，或上言也者而下言也。易繫辭傳：負也者，君子之器也。亦常語也。字或作諸。禮記郊特牲曰：不知神之所在，於彼乎？於此乎？或諸遠人乎？或諸，卽或者。僖九年左傳曰：以是藐諸孤。藐，小也。見雅。藐諸，卽藐者孤。猶言羸者陽耳。杜以藐爲縣藐。諸爲諸。非是。辯見經義述聞。爾雅釋魚：龜俯者靈，仰者謝。前弁諸。句。果後弁諸。句。獵諸。亦者字。

者猶也。禮記射義射之爲言者釋也。猶曰射之爲言也。釋也。鄭語公曰周其弊乎。對曰殆於必弊者言殆於必弊也。又書傳中凡言何者。竝與何也同義。論語陽貨篇惡紫之奪朱也。惡鄭聲之亂雅樂也。惡利口之覆邦家者。與也亦同義。故皇侃本作惡利口之覆邦家也。

諸

士昏禮記注曰諸之也。常語。

鄉射禮注曰諸於也。亦常語。

小爾雅曰諸乎也。詩日月曰日居月諸。照臨下土。毛傳曰日乎月乎。照臨之也。禮記祭義曰齊齊乎其敬也。愉愉乎其忠也。勿勿諸其欲其饗之也。又曰孝弟發諸朝廷。行乎道路。至乎州巷。放乎獫狁。修乎軍旅。諸亦乎也。互文耳。故祭義勿勿諸其欲其饗之也。禮器諸作乎。樂記理發諸外。祭義諸作乎。

諸之乎也。急言之曰諸。徐言之曰之乎。禮記檀弓曰吾惡乎哭諸。又曰書云高宗三年不言。言乃謹。有諸者。凡言有諸者。放此。文王世子曰君王其終撫諸。僖二十三年左傳曰天其或者將建諸。論語雍也篇曰山川其舍

諸。此皆之乎二字之合聲。

諸語助也。文五年左傳。臯陶庭堅。不祀。忽諸。服注曰諸辭。見詩邶柏舟正義。

之

之。言之閒也。若在河之洲之屬是也。常語也。

之。指事之詞也。若左右流之之屬是也。亦常語。

之。是也。故爾雅曰。之子者。是子也。亦常語。

之。猶諸也。諸之一聲之轉。禮記少儀曰。僕者負良綬。申之面。拖諸臂。孟子滕文公篇曰。禹疏九河。淪濟溧而注諸海。決汝漢排淮泗而注之江之。亦諸也。互文耳。故詩伐檀篇。寘之河之側兮。漢書地理志。寘之作寘。諸。襄二十六年左傳。棄諸堤下。五行志。棄諸作棄之。

之。猶於也。諸之一聲之轉。諸訓爲於。故之亦訓爲於。禮記檀弓曰。之死而致死之。不仁。之死而致生之。不知。言於死而致死之。則不仁。於死而致生之。則不知也。鄭訓之爲往。失之。大學曰。人之其所親愛而辟焉。言於其所親愛而辟也。鄭訓之爲適。亦失之。大戴禮事父母篇曰。養之內。不養於外。則是越之也。養之外。不養於內。則是疏之也。之。亦於也。互文耳。

呂氏春秋音初篇注曰。之。其也。書西伯戡黎曰。殷之卽喪。言殷其卽喪也。微子曰。今詩旄邱曰。旄邱之葛。

兮。何誕之節兮。上之字。句中語助也。下之字。則訓爲其。言旄邱之葛。何疏闊其節而不相附。毛傳。誕。以喻

衛之諸臣。何多日而不相救也。碩鼠曰。樂郊樂郊。誰之永號。言樂郊之民。誰其悲歎而長號者。明皆喜樂

也。箋。訓之爲往。失之。禮記檀弓曰。公再拜稽首請於尸曰。有臣柳莊也者。非寡人之臣。社稷之臣也。聞之死。請往。

言聞其死也。郊特牲曰：天子樹瓜華，不斂藏之種也。言天子但樹瓜華以供食而已，不收斂其種以與民爭利也。正義曰：不敢斂，久藏之種失之。昭十六年左傳曰：斬之蓬蒿藜藿而共處之。言斬其蓬蒿藜藿也。莊子至樂篇曰：

壽者懣懣，久憂不死，何之苦也。言何其苦也。荀子王制篇曰：之所以接下之人百姓者，所以其所以也。

詩采芣曰：之子于狩，言輟其弓。之子于釣，言綸之繩。之亦其也。互文耳。一切經音義一引易注曰：綸，經理也。綸之繩，理其繩也。故孟

子公孫丑篇：天下之民皆悅而願爲之氓。周官載師注引此爲之氓，作爲其民之可訓爲其，其亦可訓爲

之，互見其字下。

之猶若也。書般庚曰：邦之滅，惟女衆。邦之不滅，惟予一人有佚罰。言邦若滅，邦若不滅也。牧誓曰：牝雞之

晨，惟家之索。言牝雞若晨也。洪範曰：臣之有作福，作威，玉食，其害于而家，凶于而國。言臣若有作福，作威

玉食也。金縢曰：爾之許我，我其以璧與珪歸俟爾命。言爾若許我也。又曰：我之弗辟，我無以告我先王。言

我若弗辟也。僖三十三年左傳曰：寡君之以爲戮，死且不朽。若從君惠而免之，二年將拜君賜。宣十二年

傳曰：楚之無惡，除備而盟，何損於好？若以惡來，有備不敗。成二年傳曰：大夫之許，寡人之願也。若其不許，

亦將見也。皆上言之而下言若之，亦若也。互文耳。荀子正名篇曰：假之有人欲南而惡北，性惡篇曰：假之

有弟兄資財而分者，假之，皆謂假若也。

之猶則也。僖九年左傳曰：東略之不知，西則否矣。晉語曰：華則榮矣，實之不知之，亦則也。互文耳。

之猶與也。書立政曰：文王罔攸兼于庶言，庶獄庶慎，惟有司之牧夫。又曰：其勿誤于庶獄，惟有司之牧夫。皆謂有司與牧夫也。某氏傳曰：惟慎擇考工記梓人曰：必深其爪，出其目，作其鱗之而，謂作其鱗與而也。而，頰毛也。鄭注：之而，頰領也。以之而二禮記月令曰：天子親載耒耜，措之于參保介之御閒，謂保介與御者之閒也。鄭注：保介，車右也。置耒於車右與御者之閒，與字正釋之字。段氏若膺禮記校本謂之御當爲御之非也。辯見經義述聞。文十一年左傳：皇父之二子死焉。二子者，公子穀甥、司寇牛父也。言皇父與此二子皆死也。賈注曰：皇父與穀甥牛父，成十六年傳：潘尫之黨，襄二十三年傳：申鮮虞之傅摯，謂潘尫與黨申鮮虞與傅摯也。之猶兮也。昭二十五年左傳曰：鸛之鶴之，公出辱之。三之字竝與兮同義。之語助也。詩君子偕老曰：玼兮玼兮，其之翟也。其之翟，其翟也。之語助耳。蓼莪曰：鮮民之生，不如死之久矣。言不如死久矣也。禮記射義：公罔之裘，鄭注曰：之，發聲也。僖二十四年左傳：介之推，杜注曰：之語助。凡春秋人名中有之字者，皆放此。

旂

旂之也。焉也。詩陟岵曰：上慎旂哉。毛傳曰：旂之也。采芑曰：舍旂舍旂。箋曰：旂之言焉也。舍之焉，舍之焉。之旂聲相轉。旂焉聲相近。旂又爲之焉之合聲。

是氏

廣雅曰。是此也。常語。

是猶於是也。書禹貢曰。桑土既蠶。是降邱宅土。言於是降邱宅土也。詩葛覃曰。是刈是穫。正義曰。於是刈取之。於是穫煮之。

是猶寔也。詩闕宮曰。是生后稷。言姜嫄寔生后稷也。字或作氏。大戴禮帝繫篇曰。黃帝娶于西陵氏之子。謂之嫫祖。句氏產青陽及昌意。言寔生青陽及昌意也。禮記曲禮曰。五官之長曰伯。是職方。言寔主東西二方之事也。論語季氏篇曰。求無乃爾是過與。言爾寔過也。寔字亦作實。僖五年左傳。鬼神非人實親。惟德是依。實亦是也。互文耳。是訓爲寔。故寔亦訓爲是。見寔字下。

是猶之也。詩氓曰。反是不思。亦已焉哉。言反之不思也。大戴禮文王官人篇曰。平人而有慮者。使是治國家而長百姓。使是使之也。襄十四年左傳曰。晉國之命未是有也。言未之有也。是訓爲之。故之亦訓爲是。互見之字下。

是猶祇也。論語爲政篇曰。今之孝者。是謂能養。言祇謂能養也。是與祇同義。故薛綜注東京賦曰。祇是也。是猶則也。大戴禮王言篇。教定是正矣。家語作正。教定則本正矣。鄭語曰。若更君而周訓之。是易取也。韋注曰。更以君道導之。則易取。

是猶夫也。禮記三年問曰。今是大鳥獸。荀子禮論篇。今是作今夫。荀子宥坐篇曰。今夫世之陵遲亦久矣。

韓詩外傳今夫作今是墨子天志篇曰今是楚王食於楚之四境之內故愛楚之人荀子榮辱篇曰今是人之口腹富國篇曰今是土之生五穀也竝與今夫同義孟子公孫丑篇曰予豈若是小丈夫然哉是小丈夫小丈夫也是訓爲夫故夫亦訓爲是互見夫字下是故是以皆承上起下之詞常語也

時

爾雅曰時是也書堯典曰黎民於變時雍

寔實

爾雅曰寔是也詩小星傳同春秋桓六年寔來公羊傳曰寔來者何猶曰是人來也穀梁傳曰寔來者是來也

寔與是同義故秦誓是能容之大學是作寔經傳作實者借字耳易既濟九五實受其福坊記實作寔詩寔勞我心實本亦作寔韓奕篇實墉實壑實畝實藉鄭箋實當作寔趙魏之東實寔同聲寔是也觀禮伯父實來鄭注今文實作寔皆當以寔爲正字實爲借字

只旨咫軹

說文只語已詞也詩燕燕曰仲氏任只毛傳母也天鄘柏舟曰母也只毛傳母也天不諒人只毛傳母也天字亦作軹莊子大宗

師篇曰而奚來爲軹崔譌注軹辭也楚辭大招句末皆用只字

只亦句中語助也詩樛木及南山有臺采芣竝曰樂只君子北風曰既亟只且君子陽陽曰其樂只且字

亦作旨。左傳襄十一年、二十四年及昭十三年，引詩竝作樂旨君子。

只，詞之耳也。襄二十七年左傳曰：諸侯歸晉之德，只杜注：只，辭。非歸其尸盟也。只猶耳也。晉語曰：文公學讀書

於臼季三日，曰：吾不能行咫，聞其多矣。咫與只同，言吾但不能行耳。所聞則已多矣。章注：咫，尺間失

行下有也字，後人妄加之也。行下有也字，則咫字當下屬爲句。章解咫字亦當在句末矣。今注在咫字下，故知咫字上屬爲句而行下本無也字也。今刪去也字。楚語曰：是知天咫，安知

民則咫，亦與只同。章注：咫，言少也。此言少知天道耳。何知治民之法失之。

咫，詞之則也。賈子淮難篇曰：陛下於淮南王不可謂薄矣。然而淮南王天子之法，句咫蹂促而弗用也。皇

帝之令，句咫批傾而不行也。又曰：陛下無負也如是。句咫淮南王罪人之身也。淮南王子罪人之子也。又

曰：是立咫泣沾衿，臥咫泣交項。以上諸咫字，竝與則同義。故連語篇：牆薄咫亟壞，繪薄咫亟裂，器薄咫亟

毀，酒薄咫亟酸。新序雜事篇：咫竝作則。

雷施智適反

說文：雷，語時不雷也。一切經音義卷三引蒼頡篇曰：不雷多也。書多士曰：爾不雷不有爾土。無逸曰：不雷不敢含怒。秦誓曰：不雷如自其口出。多士釋文曰：雷，徐本作翅。孟子告子篇曰：取食之重者與禮之輕者而比之，奚翅食重。莊子大宗師篇曰：陰陽於人不翅於父母。翅，竝與雷同。字亦作適。家大人曰：說文：適，從辵，雷聲。適，雷聲相近，故古字或以適爲雷。秦策曰：疑臣者不適三人，不適與不雷同。故高注讀適爲翅。史

記廿茂傳作疑臣者非特三人非特猶不啻也。孟子告子篇曰：飲食之人無有失也。則口腹豈適爲尺寸之膚哉。適亦與啻同。故趙注曰：口腹豈但爲肥長尺寸之膚邪。但字正釋適字。而孫宗古不爲適字作音。蓋已不知其爲啻之僭字矣。又曰：莊子胠篋篇：跖之徒問於跖曰：盜亦有道乎。跖曰：何適而無有道邪。夫妄意室中之藏。聖也。入先勇也。出後義也。知可否知也。分均仁也。案：何適而無有道邪。本作何適其有道邪。適與啻同。言豈但有道而已哉。乃聖勇義知仁五者皆備也。後人不知適與啻同。而誤讀爲適齊適楚之適。因妄改之耳。淮南道應篇作奚適其無道也。無字亦後人所改。呂氏春秋當務篇作奚啻其有道也。魯語奚啻其聞之也。句法正與此同。足正後人妄改之非。而陸氏莊子釋文不爲適字作音。則所見本已非其舊矣。

祇多

詩我行其野曰：成不以富。亦祇以異。毛傳曰：祇適也。常語也。字或作多。襄二十九年左傳：祇見疏也。正義祇作多。云：多見疏。猶論語云：多見其不知量也。服虔本作祇見疏。解云：祇適也。晉宋杜本皆作多。古人多祇同音。家大人曰：襄十四年左傳：荀偃曰：吾令實過。悔之何及。多遺秦禽。多讀爲祇。祇適也。言若不班師。則適爲秦所禽獲而已。杜注曰：恐多爲秦所禽獲。非也。又昭二十五年公羊傳：子家駒曰：季氏得民衆久矣。君無多辱焉。多亦讀爲祇。言君無適自取辱也。昭二十九年左傳曰：君祇辱焉。是也。釋文多字無音。蓋不知爲祇之僭字。引之謹案。定十五年左傳：存亡有命。事楚何爲。多取費焉。多亦讀爲祇。言事楚。則適自

取貢獻之費也。昭十三年傳曰：「祇取辱焉。」二十六年傳曰：「祇取誣焉。」定四年傳曰：「祇取勤焉。」哀十四年傳曰：「祇取死焉。」文義正相合也。哀八年傳：「不足以害吳而多殺國士，不如己也。」多亦讀爲祇。言不足以害吳人而適傷魯之國士也。僖十五年傳曰：「晉未可滅而殺其君，祇以成惡。」哀十三年傳曰：「無損於魯而祇爲名。」文義正相合也。釋文多字無音，皆失之。

適

適謂適然也。詩伐木曰：「寧適不來，微我弗顧。」昭十七年左傳曰：「鳳鳥適至，是也。」

適猶是也。荀子王霸篇：「孔子曰：『審吾所以適人。』」句適人之所以來我也。上適字訓爲往，下適字訓爲是。言我之所以往，卽是人之所以來，不可不審也。呂氏春秋胥時篇曰：「王子光見五子胥而惡其貌，不聽其說而辭之曰：『其貌適吾所甚惡也。』」言是吾所甚惡也。劉歆與楊雄書曰：「今聖朝留心典誥，發精於殊語，欲以驗考四方之事。」適子雲攘意之秋也。言是子雲攘意之秋也。

適猶若也。韓子內儲說：「鄭袖誠御者曰：『王適有言，必亟聽從。』」王言王若有言也。又曰：「秦侏儒善於荆王左右，荆適有謀，侏儒常先聞之。」言荆若有謀也。外儲說右篇：「國羊謂鄭君曰：『臣適不幸而有過，願君幸而告之。』」言臣若不幸而有過也。

識

識猶適也。家大人曰：成十六年左傳：識見不穀而趨，無乃傷乎？言適見不穀而趨也。晉語作屬見不穀而下。章注曰：屬適也。適與識之同訓，猶適與直之同訓也。孟子告子篇曰：口腹豈適爲尺寸之膚哉？言豈直爲尺寸之膚也。直如直不百步耳之直。識直二字於古音屬職部，適於古音屬錫部，適之爲識，猶適之爲直也。識與適同義而不同音。九經古義謂識當爲適，非也。

屬燭音

屬適也。成二年左傳曰：下臣不幸，屬當戎行。杜注曰：屬適也。昭四年傳曰：屬有宗祧之事於武城。魯語曰：吾屬欲美之。章注亦曰：屬適也。

屬猶今人言適纔也。晉語曰：屬見不穀而下，無乃傷乎？章注曰：屬適也。史記留侯世家曰：天下屬安定，何故反乎？

屬猶祇也。昭二十八年左傳及晉語竝云：願以小人之心，屬厭而已。言祇取厭足而已也。章注曰：屬適也。適小飽足，則自節止。近之，杜以屬爲足，古無此訓，非也。

止

詩草蟲曰：亦既見止，亦既覯止。毛傳曰：止，辭也。

所

所者。指事之詞。若視其所以。觀其所由之屬。是也。常語也。

所猶可也。晏子春秋雜篇曰。聖人非所與嬉也。非猶不也。言聖人不可與戲也。墨子天志篇曰。今人處若家得罪。將猶有異家所以避逃之者矣。今人處若國得罪。將猶有異國所以避逃之者矣。今人皆處天下而事天。得罪於天。將無所以避逃之者矣。所以可以也。莊子知北遊篇曰。人倫雖難。所以相齒。言可以相齒也。鹽鐵論未通篇曰。民不足於糟糠。何橘柚之所厭。言何橘柚之可厭也。史記淮陰侯傳曰。非信無所與計事者。言無可與計事者也。漢書所作。可是其證矣。所與可同義。故或謂可爲所。或謂所爲可。互見可字下。

所猶若也。或也。書牧誓曰。爾所弗勛。其于爾躬有戮。言爾若弗勛也。史記周本紀集解引鄭注曰。所言且也。義亦相近。詩牆有茨

曰。所可道也。言之醜也。言若可道也。僖二十四年左傳曰。所不與舅氏同心者。有如白水。言若不與舅氏同心也。論語雍也篇曰。予所否者。天厭之。天厭之。言予若否也。又宣十年左傳曰。所有玉帛之使者。則告不然。則否。言若有玉帛之使也。孟子離婁篇曰。上無道揆也。下無法守也。朝不信道。工不信度。君子犯義。小人犯刑。國之所存者幸也。言國之或存者幸也。

所語助也。書無逸曰。嗚呼。君子所其無逸。言君子其毋逸也。君子謂人君也。所語助耳。鄭注。君子謂在官長者。所猶處也。皆失禮記檀弓曰。君之臣免於罪。則有先人之敝廬在。君無所辱命。言君毋辱命也。鄭注。無所辱命。辭不受也。則所乃語助。猶言君

命耳。成二年左傳曰：能進不能退，君無所辱命。義與此同。襄二十七年公羊傳曰：無所用盟，請使公子鱄約之，言毋用盟也。何注：無用爲盟。昭二十五年傳曰：君無所辱大禮，言君毋辱大禮也。

矧

爾雅曰：矧，況也。常語。

矧猶亦也。書康誥曰：元惡大憝，矧惟不孝不友。言元惡大憝者，亦惟此不孝不友之人。又曰：不率大戛，矧惟外庶子訓人，惟厥正人。越小臣諸節，乃別播敷，造民大譽，弗念弗庸，瘵厥君。言不率大戛者，亦惟此瘵厥君之人。下云：亦惟君惟長，文義正相近也。君奭曰：百姓王人，罔不秉德明恤，小臣屏侯甸，矧咸奔走，言亦咸奔走也。

矧猶又也。大誥曰：寧王惟卜用，克綏受茲命。今天其相民，矧亦惟卜用。言又亦惟卜用也。酒誥曰：女劼毖，般獻臣，侯甸男衛，矧大史友，內史友，越獻臣百宗工，矧惟爾事，服休服采，矧惟若疇，圻父薄違，農父若保，宏父定辟，矧女剛，制于酒，矧惟又惟也。下云：又惟般之迪，諸臣惟工是也。召誥曰：今沖子嗣，則無遺壽考。曰：其稽我古人之德。矧曰：其有能稽謀自天。言旣曰稽古人之德，又曰稽謀自天也。以上二條，皆非況之一訓所能該也。

爽

爽發聲也。書康誥曰：爽惟民迪吉康。又曰：爽惟天其罰殛我，皆是也。某氏傳訓爽為明，則義不可通。凡書言洪惟爽惟，不惟誕惟迪惟率惟，皆詞也。解者皆失之。

庶

論語先進篇曰：回也其庶乎。易繫辭傳曰：顏氏之子其殆庶幾乎。詩兔爰正義引易說曰：庶幸也。幾覲也。爾雅曰：庶幸也。庶幾尚也。常語也。

尙上

說文曰：尙庶幾也。字亦作上。詩陟岵篇：上慎旃哉。漢石經作尙。詩小弁箋曰：尙猶也。常語。說文曰：尙會也。又曰：會詞之舒也。

逝

逝發聲也。字或作噬。詩日月曰：乃如之人兮，逝不古處。言不古處也。碩鼠曰：逝將去女，適彼樂土。言將去女也。有林之杜曰：彼君子兮，噬肯適我。言肯適我也。桑柔曰：誰能執熱，逝不以濯。言不以濯也。逝皆發聲。不為義也。傳箋或訓為逮，或訓為往，或訓為去，皆於義未安。

率

率用也。詩思文曰：貽我來牟，帝命率育。毛傳曰：率用也。正義曰：釋詁云：率，由自也。由自俱訓爲用，故率爲

用也。案帝命率育，謂天命用此來牟養萬民也。箋曰：家大人曰：書堯典曰：蠻夷率服，率用也。言爲政如此，則蠻夷用服也。而某氏傳曰：相率。又曰：於予擊石拊石，百獸率舞。率用也。百獸用舞，猶上文言神人以和耳。

又皋陶謨曰：於予擊石拊石，百獸率舞。庶尹允諧。下二句相對爲文。率與允皆用也。說見允字下。鄭注曰：鄭注見周官大司樂疏。盤庚曰：率籲衆戚，出矢言。率用也。籲呼也。戚，貴戚也。矢，誓也。言民不肯遷，盤庚

用呼衆貴戚之臣，出誓言以曉喻之也。誓言猶諧言也。爾雅：諧，誓也。郭注曰：皆所以約勅謹戒衆是也。已辯。多士曰：予惟率肆矜爾。率用也。肆，緩也。言予惟用肆赦矜憐爾也。君奭曰：予惟用閔于天，越民。句法

與此相似。傳曰：我惟循殷故事，憐愍汝失之。辯見經義述聞。呂刑曰：故乃明于刑之中。率乂于民，棊彜。率用也。言能明于刑之中

正用治于民，輔成常教也。傳曰：循道以治於民，失之。詩載見曰：率見昭考，以孝以享，亦謂用見昭考也。載見辟王，率見昭考，皆指諸侯言之。箋曰：伯率之見於武王廟。

家大人曰：率語助也。文選江賦注引韓詩章句曰：聿辭也。聿與率聲近而義同。書湯誓曰：夏王率遏衆力，

率割夏邑。有衆率怠弗協。馬注：衆民相率怠墮，不和不同。君奭曰：率惟茲有陳，保乂有殷。陳道也。言惟茲有

殷也。率語助耳。王肅注曰：循此數臣有陳列之。立政曰：亦越武王。率惟敕功，不敢替厥義德。率惟謀從容

功失之。辯見經義述聞。我祖底遂，陳于上下。立政曰：亦越武王。率惟敕功，不敢替厥義德。率惟謀從容

德。案敕安也。功，事也。言武王惟安其故事，不敢廢文王之義德。又惟謀從寬容之德也。兩率字皆語助。某氏傳曰：武王循惟文王撫安天下之功，循惟謀從文王寬容之德，皆失之。

逸周書祭公

經傳釋詞 二卷九 六十七

篇曰俾百僚乃心率輔弼予一人。孔晁注使百官相率輔弼我失之。以上諸率字皆語助耳解者皆失之。

式

式語詞之用也。詩斯干曰式相好矣是也。常語也。
式發聲也。爾雅曰式微式微者微乎微者也。詩式微箋用爾雅云式發聲也。

卷十

彼

彼匪也。詩桑扈曰彼交匪敖。襄二十七年左傳說此詩曰匪交匪敖。福將焉往。成十四年引詩彼交匪傲。漢書五行志作匪傲匪傲。采菽曰彼交匪紆。荀子勸學篇引作匪交匪舒。是彼訓匪也。交讀爲姣。姣侮也。匪交匪敖。匪交匪紆。皆謂不侮慢也。說者以彼爲彼此之彼。交爲交接之交。失之。辯見經義述聞

末

末無也。常語。

末猶未也。檀弓曰魯莊公及宋人戰于乘邱。縣賁父御。卜國爲右。馬驚。敗績。公隊。佐車授綏。公曰末之卜也。末猶未也。是也。指御而言。言倉卒出戰。未卜戎御。故不得其人。以致蹙駕。蓋以罪縣賁父也。

末猶勿也。禮記文王世子曰：命膳宰曰：末有原。鄭注曰：末猶勿也。勿有所再進。末發聲也。哀十四年公羊傳曰：其諸君子樂道堯舜之道與。末不亦樂乎堯舜之知君子也。末蓋發聲。末不亦不亦也。猶邪也。言不亦樂乎後世堯舜之知君子邪。下文制春秋之義以俟後聖。以君子之爲亦有樂乎此也。正申明此句之意。

蔑

蔑無也。常語。

蔑猶不也。成十六年左傳曰：寧事齊楚。有亡而已。蔑從晉矣。晉語曰：吾有死而已。吾蔑從之矣。言不從也。

比

比皆也。說文曰：皆俱詞也。從比從白。徐鍇曰：比皆也。孟子告子篇曰：比天之所與我者。先立乎其大者。則其小者不能奪也。家大人曰：比猶皆也。言耳目與心皆天之所與我者。而心爲大。趙注以比爲比方。謂比或改比爲此。改趙注比方爲此。乃尤非。秦策曰：頓足徒揚。犯白刃。蹈煨炭。斷死於前者。比是也。鮑彪於比下增一比字。曰：比是。韓子初見秦篇。比作皆。齊策曰：中山再戰比勝。言再戰皆勝也。大戴禮保傅篇曰：於是比選天下端士。漢書賈誼傳比作皆。

薄

薄發聲也。詩葛覃曰：薄汙我私。薄滌我衣。又芣苢曰：薄言采之。傳曰：薄，辭也。時邁曰：薄言震之。韓詩薛君傳與毛傳同。後漢書李固傳注引。

每

每雖也。爾雅曰：每有，雖也。詩常棣曰：每有良朋。况也。永歎。又曰：雖有兄弟，不如友生。每有，猶雖有耳。箋曰：雖有善同門來茲對之長歎而已。

不 丕 否

不弗也常語。

玉篇曰：不，詞也。經傳所用，或作丕，或作否。其實一也。有發聲者，有承上文者。其發聲者，書西伯戡黎曰：我

生不有命在天。某氏傳曰：我生有壽命在天，蓋不為發聲，不有有也。與他處不訓為弗者不同。不康誥曰：

惟乃丕顯考文王。則上顯考顯考也。通作不顯。毛詩曰：不顯顯也。酒誥曰：不惟曰爾克永觀省。此與丕訓為

者多失之。又曰：女不遠，惟商者成人，宅心知訓。召誥曰：其不能誠于小民。丕語詞，其不能亂四方。又曰：丕

下做此。若有夏歷年。洛誥曰：公稱丕顯德也。丕顯德，顯德也。丕語詞。多士曰：丕靈承帝事。丕語詞，丕靈承，靈承也。多士曰：君爽

曰：丕單稱德。又曰：丕承無疆之恤。多方曰：罔丕惟進之恭。又曰：爾尚不忌于凶德。不語詞，不忌，忌也。緇衣

以凶德為戒也。傳解為不自忌入於凶德，失之。文侯之命曰：丕顯文武。緇衣引甫刑曰：播刑之不迪。不語詞，不迪，迪也。故古文尚

之失。孟子滕文公引書曰：不顯哉文王謨，不承哉武王烈。顯哉承哉，贊美之詞。不則發聲也，字通於人矣。則不為發聲可知。箋乃云：是不光明文王之德與，是不承順文王之德，亦失之。逸周書大匡曰：二三子不尙助不穀，下志意與失其意矣。丕顯丕承，即不顯不承。趙注訓丕為大，亦失之。周書大匡曰：二三子不尙助不穀，下字註為弗，上不字則語。皇門曰：丕承萬子孫，祭公曰：公稱丕顯之德。又曰：我不則寅哉寅哉。孔注云：不詞，孔晁注云：不尙尙也。

良夫曰：不其亂而詩，匏有苦葉曰：濟盈不濡軌。傳云：濡，漬也。由軌以下為軌，又解雌鳴求其牡云：遠禮義也。波深水者必濡其軌，言不濡者，喻夫人犯禮而不自知，雌鳴反求其牡，喻夫求非所求，案軌車轉頭也。去地三尺有三寸，濟盈無不濡，軌之理不盡，語詞不濡，濡也。音濟盈則濡，軌此理之常也。而遠犯禮義者，何反其常乎？牡，猶雌也。正義曰：飛曰雌，走曰牝，此其定例耳。若散則通，故書曰：牝雞之晨，傳曰：獲其雄，狐是也。據此則雌雄亦得稱牝牡，雌鳴求其牡者，謂求其雄也。音鳥獸所求必於其耦，何夫人之所求非其耦乎？牡，即雌之雄者，故曰其牡。常棣曰：鄂不韡韡。傳云：鄂，猶鄂然，言外發也。韡，韡，光明也。則不若屬之走獸，不得言其矣。傳箋失之。其牡，常棣曰：鄂不韡韡。傳云：鄂，猶鄂然，言外發也。韡，韡，光明也。則不華者曰鄂，不當為拊，拊，鄂足得華之光明，則韡然，然，在華下，安所見其韡，韡，鄭亦知鄂足不得言韡之華，無以鄂足言之者，且韡，韡，光明，華色，則然，然，在華下，安所見其韡，韡，鄭亦知鄂足不得言韡之華。

輅不盈。傳云：不盈，警也。不盈，盈也。則不盈乎也。箋謂反其言美之，失其意矣。何人斯曰：否難知也。否，語詞，否也。言其心孔，解不可測也。箋乃云：否，不通也。我桑扈曰：不戢不難，受福不那。傳云：戢，聚也。不戢，戢也。不難，難也。與汝情不通，汝與於譖我與否，復難知也。失之。菴柳曰：有菴者柳，不尙息焉。箋云：有菴，然枝葉茂盛之柳，行以亡國之戒，則其受福祿亦不多也。失之。菴柳曰：有菴者柳，不尙息焉。箋云：有菴，然枝葉茂盛之柳，行息乎案，不語詞，不尙尙也。是有菴者柳，不尙惕焉。文王曰：有周不顯，帝命不時。傳云：有周，周也。不顯，顯也。正言非反言，故句末用焉字。有菴者柳，不尙惕焉。文王曰：有周不顯，帝命不時。傳云：有周，周也。不顯，顯也。有為語詞也。箋乃云：周之德，不光明乎。天命之不是乎。又曰：不顯亦世。此不字亦語詞，傳解之。世之不顯，不

泉之竭矣。不云自中。云自中也。又曰：不裁我躬。案云：是不裁王之身乎。清廟曰：不顯不承。說見維天之命曰：於

乎不顯。烈文曰：不顯維德。不發聲。箋解為不顯成康。於穆清廟伊嘏文王。那曰：亦不

夷憚。箋云：亦不說釋乎。言說憚也。案：禮記射義曰：幼壯孝弟，耆蓋好禮，不從流俗，修身以俟死者，不在此

位也。不從之不訓為弗不在之。鄭斷者不為句云。又曰：好學不倦，好禮不變。施期稱

道不亂者，不在此位也。為弗不在之。不為語詞。僖二十八年左傳曰：奉揚天子之丕顯休命。丕顯

也。多方曰：降顯休命于成湯。宣四年曰：若敖氏之鬼，不其餒而襄。二十九年曰：先君若有知也，不尙取之。正義引服虔

尙當取女。昭三年曰：昧且不顯。丕顯，語詞。丕顯，顯也。言昧且時，即已。晉語曰：夫晉公子在此，君之匹也。君不

亦禮焉。傳：不亦也。傳：二十五年左爾雅釋器曰：不律謂之筆。律，筆聲近而語轉，不則發聲也。釋邱曰：夷上洒下，不漉。郭注

發聲，孫炎以釋魚曰：龜左倪，不類右倪，不若。邢疏曰：不發聲也。周禮：西龜曰靈屬，北龜曰若。為衍字，失之。

篇曰：雖褐寬博，吾不慙焉。謂雖敵人被褐寬博，一夫不當輕驚懼之疏矣。楚詞招魂曰：被文服纖麗而不

奇些。王注云：不奇，奇也。猶詩云：不顯文王。東周策曰：今君將施於大人，大人輕君，施於小人，小人無可以

求，又費財焉。君必施於今之窮士，不必且為大人者，故能得欲矣。不必，必也。不語詞。鮑彪注曰：不必猶不可失之。

尙全事。高注曰：不尙尙也。史記楚世家：皆發聲也。其承上文者。書禹貢曰：三危既宅，三苗丕斂。丕，乃承上

三苗乃斂也。諸家皆盤庚曰：王播告之修，不匿厥指。此不字訓為弗。王用丕欽，罔有逸言，民用丕變。又曰：

女克黜乃心。施實德于民。至于婚友。丕乃敢大言。女有積德。丕乃猶言於是也。傳解爲大乃敢言則文不成義。又曰。女萬民乃不

生生。暨予一人猷同心。先后丕降與女罪疾。猶言乃降與女罪疾。又曰。茲予有亂政。同位具乃貝玉。乃祖乃父。丕乃

告我高后。又曰。迪高后。丕乃崇降弗祥。康誥曰。至于旬時。丕蔽要囚。小司寇曰。至于旬乃蔽之。文義正同。又曰。無作怨。勿用

非謀。非彛。蔽時忱。丕則敏德。丕則猶言於是也。既斷行是誠信之道。於是敏德失之。梓材曰。后式典集庶邦。丕享。言君

集庶邦於是也。庶邦來享也。召誥曰。厥既命殷庶。庶殷丕作。言既命庶殷。庶殷乃作也。無逸曰。乃逸乃諺。既誕。否則侮厥父母。漢石經

不則猶於是也。言既已妄誕於是。輕侮其父母也。又曰。今日耽樂。乃非民攸訓。非天攸若。時人不則有愆。

傳謂已欺誕父母。不欺則輕侮其父母。文義難通。又曰。今日耽樂。乃非民攸訓。非天攸若。時人不則有愆。

言是人於是有過也。傳謂是人則大。有過既誤訓大。又亂其字之先後矣。又曰。乃變亂先王之正刑。至於小大。民否則厥心違怨。否則厥口詛

祝。言民於是厥心違怨。於民於是厥口詛祝也。立政曰。我其立政立事。準人牧夫。我其克灼知厥若。丕乃俾亂。言既灼知厥若。於

茲乃俾亂。文義正同。逸周書祭公曰。天之所錫武王時疆土。丕維周之基。丕維后稷之受命。是永宅之。維我後嗣。旁

建宗子。丕維周之始。并烏呼。天子三公。監于夏之既敗。丕則無遺後難。言於是無遺後難也。至于萬億年。守序終之。

既畢。丕乃有利宗。言於是有利宗也。丕維文王由之。皆承上之詞也。凡此皆古人屬詞之常例。後世解經者。但知

不之訓弗。否之訓不。丕之訓大。而不知其又爲語詞。於是強爲注釋。而經文多不可通矣。三危既宅。三苗

丕敝。厥既命殷庶。庶殷丕作。既誕。否則侮厥父母。皆先言既而後言丕。其爲承上之詞。顯然明白。而史記

夏本紀乃云。三苗大敝。則知三代語言。漢人猶難徧識。願學者比物醜類以求之。

不否非也。呂刑曰：何擇非人，何敬非刑，何度非及。墨子尚賢篇引作「女何擇否人」。

今本否誤作言，蓋篆書否字作否，言字作言。

形相似，隸書否字或作言，言字或作齊，亦相似，故否誤爲言。何敬不刑，何度不及，尙同篇曰：先王之書相年之道曰：夫建國設都，乃作

后王君公，否用泰也。輕大夫師長，否用佚也。維辯使治天均，則此語古者上帝鬼神之建設國都立正長

也。非高其爵，厚其祿，富貴游佚而錯之也。將以爲萬民興利除害，富貴貧寡安危治亂也。是不也。否也。皆

非也。故非敢謂之不敢。士相見禮，主人對曰：某不敢爲儀。今文不爲非，是也。苟非謂之苟不，中庸曰：苟不

至德，至道不凝焉。

正義曰：又曰：苟不固聰明聖知達天德者，其孰能知之。是也。豈非謂之豈不。莊子讓王

篇：先生不受，豈不命邪。荀子君道篇：是豈不必得之道也哉。是也。不與非同義。故有時互用。大戴禮王

言篇：畢弋田獵之得，不以盈宮室也。徵斂於百姓，非以充府庫也。墨子非命篇：上之所賞，命固且賞，非賢

故賞也。上之所罰，命固且罰，不暴故罰也。不亦非也。

不否無也。堯典曰：否德忝帝位。言無德也。

傳曰：否，不也。王風君子于役曰：不日不月，言無一定之日月。序

所謂行役無期度也。周官大司馬曰：若師不功，則厭而奉主車。言師無功也。

與上若師有功相對爲文。大學曰：其本亂

而未治者否矣。言事所必無也。

下文其所厚者薄，而其所薄者厚，未之有也。與此文異而義同。莊十四年左傳曰：人無費焉。妖不自作，自

由也。言妖無由作也。

正義曰：妖孽不能自作，失之。晉語曰：不本而犯，言無本也。無本，謂言不本於兒，兒不本於情，即上

反之也。章注謂行論語先進篇曰：人不聞於其父母昆弟之言，言人無有非其父母昆弟之言也。

說見經義述聞。

故洪範無偏無黨。無黨無偏。史記張釋之馮唐傳贊。引作不偏不黨。不黨不偏。呂刑。繆寡無蓋。墨子尙賢篇。引作繆寡不蓋。秦策。一戰不勝而無齊。韓子初見秦篇作不齊。

不毋也。勿也。大雅板曰。無敢戲豫。無敢馳驅。昭三十二年左傳。引作不敢戲豫。不敢馳驅。無與毋通。不亦毋也。召誥曰。王不敢後。用顧畏于民。晷言王顧畏民。晷毋敢或後也。孟子滕文公篇。我且往見夷子。不來言我將往見夷子。夷子勿來也。

非

玉篇曰。非。不是也。常語。

服虔漢書蕭望之傳注曰。非。不也。書般庚曰。肆予冲人。非廢厥謀。言不廢厥謀也。又曰。各非敢違卜。某氏傳曰。君臣用謀不敢違卜也。大戴禮記保傅篇。人性非甚相遠也。漢書賈誼傳。非作不。

匪

詩木瓜傳曰。匪。非也。常語。

匪。不也。詩般武曰。稼穡匪解。言不懈也。車鞶曰。匪飢匪渴。箋曰。雖飢不飢。雖渴不渴。周語引頌曰。莫匪爾極。韋注曰。匪。不也。無不於女時得其中也。

廣雅曰。匪。彼也。家大人曰。詩小旻曰。如匪行邁謀。是用不得于道。襄八年左傳。引此詩。杜注曰。匪。彼也。如

匪行邁謀。是用不得於道。猶下文言如彼築室於道謀。是用不潰於成。亦猶雨無正曰。如彼行邁也。箋曰。也。不行而坐。圖遠近失之。又定之方中曰。匪直也人。傳曰。匪徒庸君。訓匪直爲。匪徒。訓人爲庸君。皆失之。秉心塞淵。言彼正直之人。秉心塞淵也。匪風曰。匪風發兮。匪車偈兮。言彼風之動發發然。彼車之驅偈偈然也。傳曰。發發。驅風。非有道之風。偈偈。引詩說曰。是非古之風也。發發者。是非古之車也。偈偈者。皆失之。都人士曰。匪伊垂之。帶則有餘。匪伊卷之。髮則有旃。言彼帶之垂則有餘。彼髮之卷則有旃。猶上文言彼都人士垂帶而厲。彼君子女卷髮如蠶也。箋曰。言士非故垂此帶也。帶此髮也。髮於禮自當有旃也。失之。解者訓匪爲非。故多不安。

無母亡忘妄

無母勿也常語。

孟康注漢書貨殖傳曰。無發聲助也。字或作毋。詩文王曰。無念爾祖。傳曰。無念念也。抑曰。無競維人。執競曰。無競維烈。傳並曰。無競競也。箋解。抑篇曰。無疆於得賢人。解烈文曰。無疆乎維得賢人也。解左傳。無寧茲許公復奉其社稷。襄二十四年。無寧使人謂子子實生我。杜注並曰。無寧寧也。襄二十九年。且先君而有知也。毋寧夫人而焉用老臣。服虔注曰。毋寧寧也。寧自取夫人將焉用老臣乎。魯語曰。彼無亦置其同類。韋注曰。無亦亦也。周語曰。無亦擇其柔嘉。無亦亦也。章注曰。無亦。不亦也。失之。下晉語同。又曰。王無亦鑒于黎苗之王。晉語曰。公子無亦晉之柔嘉。是以甘食。楚語曰。女無亦謂我老耄而舍我。而又謗我。無亦亦也。舍謂不諫戒也。言我老矣。

女亦謂我老而舍我可也。奈何又謗我邪。是自謂其老不欲人之見而諫戒之也。故左史成二年左傳曰。唯子老耄故欲見以交敵子。又引衛武公之言曰。無謂我老耄而舍我。辯見經義述聞。成二年左傳曰。

無亦唯是一矢以相加遺。襄二十四年曰。無亦是務乎。昭二十三年曰。無亦鑿乎。若敖蚘冒至于武文。並

同。是無為發聲也。又書微子曰。今爾無指告。予顛隕。若之何其。某氏傳曰。汝無指意。告我殷邦。顛隕。隕

無發聲。無指告。指告也。指讀曰底。底致也。壽九年左傳曰。無所底告。盤庚曰。其惟致告是也。言我殷將顛

墮若何。而可。今爾其致告我。以救之之道乎。倒文則曰。今爾無指告。予顛隕。若之何其耳。作傳者不知無

為發聲。指告也。說詳經義述聞。詩小旻曰。如彼泉流。無淪胥以敗。抑曰。如彼泉流。無淪胥以亡。淪胥以敗。

淪胥以亡也。言皇天弗尚禍亂。日生如泉水之流。滔滔不返。無論智愚。賢否將相。率而底於敗亡也。無淪胥以亡。若

此無罪。淪胥以鋪。語意正相近。箋解小旻則曰。無相牽率為惡。以自禮。記祭義曰。天之所生地之所養。無

濁敗。解抑篇則曰。無自率行為惡。皆與之。以亡。俱誤。以無為戒詞。禮記祭義曰。天之所生地之所養。無

人為大矣。無人為大。人為大也。大戴禮記曾子大孝篇。天之所生地之所養。人為大。昭二十六年左傳曰。我

無所監。夏后及商之亡。是無為發聲。管子立政九敗解篇曰。人君唯毋聽寢兵。毋發聲。毋聽。則羣臣

賓客莫敢言兵。人君唯毋聽兼愛之說。則視天下之民如其民。視國如吾國。人君唯無好全生。則羣臣皆

全其生。而生又養。有同。人君唯無聽私議自貴。則民退靜隱伏。窟穴就山。非世閒上。輕爵祿而賤有司。人

君唯無好金玉貨財。必欲得其所好。則必易之以大官尊位。尊爵重祿。人君唯毋聽羣徒比周。則羣臣朋

黨蔽美揚惡。人君唯毋聽觀樂玩好。則敗。人君唯毋聽請謁任譽。則羣臣皆相為請。人君唯無聽諂諛飾

過之言。則敗。墨子尚賢篇曰。古者聖王唯毋得賢人而使之。般爵以貴之。裂地以封之。終身不厭。賢人唯

毋得明君而事之。竭四肢之力以任君之事，終身不倦。又曰：今唯毋以尚賢爲政，其國家百姓使國之爲善者勸，爲暴者沮。又曰：然昔吾所以貴堯舜禹湯文武之道者，何故以哉？以其唯毋臨衆發政而治民，使天下之爲善者可而勸也，爲暴者可而沮也。毋發聲，毋得也，毋以也，毋臨衆發政，臨衆發政也，下尚與師節葬篇之毋法無以，天志篇之毋明非樂篇之毋造爲毋處，毋爲樂，毋在乎並同，詳讀書雜誌，以上皆發聲。

無轉語詞也。字或作亡，或作忘，或作安，或言亡其，或言意亡，或言亡意，亦或言將安，其義一也。墨子非攻

篇曰：爲其上中天之利，而中中鬼之利，而下中人之利，故譽之與。意亡非爲其上中天之利，而中中鬼之

利，而下中人之利，故譽之與。意與抑同，亡與無同，皆詞也。漢書貨殖傳：寧爵無刁，孟康注曰：奴自謂寧欲免去作民有爵邪，無將止爲刁氏作奴乎。文義與此同。非命篇曰：

不識昔也。三代之聖善人與，意亡昔三代之暴不肖人與。莊子外物篇曰：抑固窶邪，亡其略弗及邪。郭象注曰：

略無弗及之事也。既誤以爲有無之無，又亂其次矣。呂氏春秋審爲篇曰：君將擢之乎，亡其不與，愛類篇曰：必得宋乃攻之乎，亡其

不得宋且不義，猶攻之乎。淮南修務篇亡作忘，秦策曰：意者臣愚而不闔於王心邪，亡其言臣者將賤而不足聽邪。

今本亡譌作已，錢本曾本並作亡，與史記范雎傳合。索隱曰：亡猶輕蔑也。失之。趙策曰：不識三國之憎秦而愛懷邪，忘其憎懷而愛秦邪，亡同。又

曰：秦之攻趙也，倦而歸乎，亡其力尙能進，愛王而不攻乎。亡其今本依史記虞卿傳改作王，以其韓策曰：

聽子之謁而廢子之道乎，又亡其行子之術而廢子之謁乎。又字後人所加，韓子史記魯仲連傳亡意亦

捐燕棄世，東游於齊乎。亡意亦皆詞也，意亦者抑亦也。索隱斷亡意爲句，注曰：無還燕意，失之。越語曰：道固然乎，妄其欺不穀邪。忘與亡同，當讀寧爵

無刁之無鄭注儒莊子庚桑楚篇曰。是其於辯也。將安鑿垣牆而殖蓬蒿也。將安與將無同也。與邪同。郭象注。將令後世妄行穿鑿而

也。失之。新序雜事篇曰。先生老僭與。妄爲楚國妖與。楚策作先生老悖乎。將以爲楚國妖祥乎。則妄爲語助。以上皆轉語詞。

無猶得無也。士喪禮筮宅辭曰。哀子某。爲其父某甫筮宅。度茲幽宅。兆基無有後艱。鄭注曰。得無後將有

艱難乎。又卜葬日辭曰。哀子某。來日卜葬其父某甫。考降無有近悔。鄭注曰。得無近於咎悔者乎。

無乃猶得無也。宣十二年公羊傳注。周語曰。其無乃廢先王之訓而王幾頓乎。隱三年左傳曰。無乃不可乎。

無寧猶無乃也。家大人曰。昭二十二年左傳曰。無寧以爲宗羞。言宋若自誅華氏。無乃以爲宗族之羞。不

如使楚戮之也。杜注曰。無寧寧也。失之。寧訓爲乃。見寧字條下。

無不也。薛綜東京賦注。書洪範。無偏無黨。墨子兼愛篇。漢書谷永傳注。並引作不偏不黨。呂刑。鰥寡無蓋。

墨子尚賢篇。引作鰥寡不蓋。論語學而篇。食無求飽。居無求安。漢書谷永傳。引作居不求安。食不求飽。老

子下篇。聖人不積。魏策引作聖人無積。詩皇矣。不大聲以色。不長夏以革。墨子天志篇。引作毋大聲以色。

毋長夏以革。毋與無通。禮記月令。五穀無實。呂氏春秋孟秋紀。作五穀不實。三年問。無易之道也。鄭注曰。

無易。猶不易也。荀子禮論篇。作不易之術。又至死不窮。夫焉能相與羣居而不亂乎。荀子作無窮。無亂。郊

特牲曰。昆蟲毋作。言不作也。大傳曰。可無慎乎。言不慎也。文十二年左傳曰。國無陋矣。言不陋也。成二年

曰。無顧上宜。言不顧上宜也。論語雍也篇。毋以與爾鄰里鄉黨乎。毋與無同。言九百之粟。爾雖不欲。然可

分於鄰里鄉黨爾不以與之乎言當與之也。孔注讀毋字絕句云祿法所當受無以讓也失之。

無否也。襄九年左傳曰穆姜始往東宮而筮之史曰君必速出姜曰亡。杜注曰亡猶無也案莊子大宗師

篇曰子祀曰女惡之乎曰亡予何惡至樂篇曰支離叔曰子惡之乎滑介叔曰亡予何惡達生篇曰請問

蹈水有道乎曰亡吾無道亡與無同言否也。

無非也禮記禮器曰苟無忠信之人則禮不虛道。易繫辭傳曰苟非其人言非忠信之人則禮不虛行也

管子形勢解曰無德厚以安之無度數以治之則國非其國而民無其民言國非其國而民非其民也。

無末也荀子正名篇志輕理而不重物者無之有也外重物而不內憂者無之有也行離理而不外危者

無之有也外危而不內恐者無之有也言未之有也。

罔

罔無也常語。

罔猶不也書盤庚曰罔罪爾衆某氏傳曰今我不罪女微子曰乃罔畏畏傳曰上不畏天災下不畏賢人

是也又盤庚曰罔知天之斷命言不知天將斷絕女命也詩抑曰罔敷求先王克共明刑言女不克廣索

先王之明刑而執守之也。箋曰無廣索先王之道與能執法度之人乎失之。

罔猶得無也家大人曰楚辭九章曰欲高飛而遠集兮君罔謂女何之洪興祖補注曰言欲高飛遠集去

君而不仕得無謂女遠去欲何所適也。王注以為誣阿失之。

微

微無也。詩式微曰：微君之故。周語曰：微我晉不戰矣。毛傳韋注並曰：微無也。宣十二年公羊傳曰：君之不令臣交易為言，是使寡人得見君之玉面，而微至乎此。微無也。此謂上文錫之不毛之地也。言寡人得見君面，徒以君之不令臣為惡言，激怒使然耳。而其實貳而伐之，服而舍之，無或至於滅國遷君若此之甚也。何注曰：微，喻小也。積小言語以致於此，失之說見經義述聞。

勿

勿無也。莫也。常語。

廣雅曰：勿，非也。詩靈臺曰：經始勿亟。箋曰：度始靈臺之基趾，非有急成之意。

勿語助也。詩節南山曰：弗問弗仕，勿罔君子。勿罔也。言弗問而察之，則下民欺罔其上矣。傳曰：勿罔上，弗問弗仕之文不相承。箋曰：勿當作未，不問而察之，則下民未罔其上矣。亦未安。僖十五年左傳曰：史蘇是占，勿從何益。勿從也。言雖從史蘇之言，亦無益也。杜注曰：雖復不從史蘇，不能益禍失之。與他處訓無者不同。

夫

夫猶乎也。歎辭也。趙岐注孟子告子曰：夫歎辭也。在句末者，易繫辭傳曰：古之聰明睿知，神武而不殺者，夫。禮記檀弓曰：爾責於人終無已，夫三年之喪亦已久矣，夫是也。在句中者，檀弓曰：仁夫公子重耳，論語子罕篇曰：逝者如斯夫，不舍晝夜，是也。

夫指事之辭也。禮記檀弓曰：予惡夫涕之無從也。禮運曰：是故夫禮，僖二十四年左傳曰：夫祛猶在，宣二年曰：公嗾夫獒焉。周語曰：然則夫支之所道者，必盡知天地之爲也，是也。

夫猶彼也。禮記三年問曰：夫焉能相與羣居而不亂乎？荀子禮論篇夫作彼，襄二十六年左傳曰：夫獨無族姻乎？楚語作彼有公族甥舅。齊語曰：夫爲其君勤也。管子小匡篇夫作彼，哀二十五年左傳曰：彼好專利而妄，夫見君之入也，將先道焉。夫亦彼也。漢書賈誼傳曰：彼且爲我死，故吾得與之俱生。彼且爲我亡，故吾得與之俱存。夫將爲我危，故吾得與之皆安。顏注曰：夫猶彼人耳，是也。又大戴禮衛將軍文字篇：孔子稱澹臺滅明之行曰：獨貴獨富，君子恥之。夫也中之矣。禮記檀弓曰：夫由賜也見我。夫猶彼也。皇侃曰：夫謂丈夫失之。

文十三年左傳曰：請東人之能與夫二三有司言者。十四年曰：齊公子元不順懿公之爲政也，終不曰公曰：夫已氏。宣二年曰：夫其口衆我寡。襄二十六年曰：夫不惡女乎。三十一年曰：使夫往而學焉。夫亦愈知治矣。昭七年曰：日君以夫公孫段爲能行其事。十六年曰：我皆有禮，夫猶鄙我。晉語曰：夫無乃以國故而行彊於君。又曰：夫豈惠其民而不惠於其父乎。又曰：今夫以君爲紂。鄭語曰：夫其子孫必光啓土。楚語曰：

夫其有故。又曰。夫先自敗也已。焉能敗人。又曰。余善之。夫乃其寧。莊三十二年公羊傳曰。夫何敢。是將爲亂乎。夫何敢。荀子解蔽篇曰。不以夫一害此一。夫皆彼也。

夫猶此也。禮記檀弓曰。夫夫也。爲習於禮者。鄭注曰。夫夫猶言此丈夫也。夫夫猶是夫也。禮弓曰。是夫也多言。又曰。從母之

夫。舅之妻。夫二人相爲服。今本夫二人。譌作二人。辨見經義述聞。注曰。夫二人猶言此二人也。祭義曰。忌日不用。非不祥也。

言夫曰。志有所至。而不敢盡其私也。注曰。親以此日亡。其哀心如喪時。昭十六年左傳曰。且夫易不可以

占險。杜注曰。夫易猶此易是也。又僖三十年左傳曰。微夫人之力不及此。成十六年曰。夫二人者。魯國社

稷之臣也。襄二十六年曰。君淹恤在外十二年矣。而無憂色。亦無寬言。猶夫人也。言猶然如。此之人也。魯語曰。鼈於

何有。而使夫人怒也。晉語曰。且夫戰也。微卻至。王必不免。又曰。夫二子之德。其可忘乎。昭二十五年公羊

傳曰。有夫不祥。論語先進篇曰。夫人不言。言必有中。孟子公孫丑篇曰。夫士也。亦無王命而私受之於子

夫。皆此也。

夫猶凡也。衆也。孝經疏引劉瓛曰。夫猶凡也。高誘淮南本經篇注曰。夫人衆人也。書召誥曰。夫知保抱攜

持厥婦子。正義曰。夫猶人人。言天下盡然也。願命曰。思夫人自亂於威儀。正義曰。夫人衆國。各自治正於威儀。考工記曰。夫人而能爲罇也。

夫人猶衆人也。鄭注。禮記祭統曰。上有大澤。則民夫人待於下流。襄八年左傳曰。夫人愁痛。杜注曰。夫人以夫爲丈夫。失之。禮記祭統曰。上有大澤。則民夫人待於下流。襄八年左傳曰。夫人愁痛。杜注曰。夫人

二十七年曰。且吾因宋以守。句。病則夫能致死。昭七年曰。紂爲天下逋逃主。萃淵藪。故夫致死焉。注曰。人欲致死。

討哀十六年曰。民知不死其亦夫有奮心。周語曰。夫人奉利而歸諸上。章注曰。夫人猶人人也。楚語曰。夫人作享家爲巫史皆是也。

夫發聲也。周官司烜氏曰。掌以夫遂取明火於日。鄭司農曰。夫發聲也。禮記少儀曰。加夫橈與劍焉。鄭注曰。夫或爲煩。皆發聲。

經傳釋詞跋

經傳釋詞十卷。高郵王引之撰。所釋字凡一百六十。舊所謂虛字。今文法中所謂介詞。接續詞。助詞是也。此書於假借多所發明。所惠於後之讀經傳者不少。惟王君生於清乾嘉時。不獲一讀今日之文法。以致輒有所蔽。爲可惜也。余於民國十九年秋冬間。讀是書三遍。頗覺其有未安處。然亦未能一一指其誤而訂其訛。今擇其尤甚者數條。附記取後。以供讀是書者之參考焉。

也字條云也。猶者也。引孟子盡心篇曰。孩提之童。無不知愛其親者。原註。舊本皆如是。監本作也。乃後人所改。及其長也。無不

知敬其兄也。下也字與者同義。按此語誤引孟子原文。孩提之童。無不知愛其親者。者字代名詞。下文及其長也。無不知敬其兄也。兄字下應再有一者字。今因上文已有略去。及其長也。其字爲代名詞。仍指上文孩提之童。一人也。不過其年有長幼耳。信如王君言。則上下文分爲兩句。謂孩提之童。無不知愛其親者。及其長也。無不知敬其兄者。兩句平列。兩者字指兩人。則及字其字皆不妥矣。非孟子原文之意也。又也字條云也。猶邪也。歟也。乎也。引孟子盡心篇曰。殺人之父者。人亦殺其父。殺人之兄者。人亦殺其兄。然則非自殺之也。一間耳。謂此也字同邪字。按此語誤引。此也字實相當於者字。孟子人之所以異於禽獸者。幾希。與此句法相同。非相當於異。一間相當於幾希。一則謂比自殺其父兄相差一間。一則謂與禽獸相去甚微。句

之組織恰相同也。如王君言謂也字同邪字，則原文然則非自殺之邪，可作豈非自殺之邪，亦可作自殺之。則是人殺其父兄等於自殺之，而下文一間耳三字無著落矣。故知王君之言非也。

矣字條云矣猶也。引禮記樂記曰：大章章之也，咸池備矣，韶繼也，夏大也。謂大章咸池韶夏皆釋字義備矣與備也同。原註：史記樂書作備也。集解王肅曰：包容浸潤。行化皆然。故曰備也。方言：備，咸也。是咸與備同義。按此語誤引章之備繼大，性質不同，章

之繼大皆釋字義而備矣獨爲形容咸池之美，故其他用也字而咸池獨用矣字以別之。若謂備字與咸字同義，是誠然矣。然何以解池字？蓋自史記作樂書已不知此理而改矣爲也。王肅與引之皆因襲其誤而不自知也。

邪字條云邪猶也。引莊子山木篇曰：一呼而不聞，再呼而不聞，於是三呼邪，則必以惡聲隨之。謂此邪字同也。字按此語誤引莊子此邪字意謂果作三呼與否尙未定也。史記刺客傳云：荆軻雖遊於酒人乎，然其爲人沈深好書。管子問篇云：夫江黃近於楚，爲同如臣死乎？君必歸於楚而寄之。此兩乎字與莊子邪字用法正同。史記用此乎字暗示荆軻之爲人，或不是如此。管子用此乎字暗示臣或不卽死。莊子用此邪暗示或不作第三次呼。此字在今日可用新標點代之，作一呼而不聞，再呼而不聞，於是三呼（？）也。則必以惡聲隨之。史記管子之乎字亦同此例。王君謂莊子邪字同也字，與下文則字不接，故知其言非也。

與字條云。與如也。引夏書曰。與其殺不辜。寧失不經。與其謂如其也。按此語誤引。夏書原意是取殺不辜與失不經二者而比較之。以定棄取。寧取失不經。而不取殺不辜也。說文寧。願詞也。曰寧失不經。猶云願失不經也。上文與其二字。其字爲代名詞。指下文失不經。意謂失不經與殺不辜相較也。信如王君言。謂與其同如其。則有或使設使之義。而失比較之意矣。

寧字條云。寧將也。引莊子秋水篇曰。寧其死爲留骨而貴乎。寧其生而曳尾於塗中乎。謂寧同將。按此言非也。此寧字亦願詞也。謂願如此乎。抑願如彼乎。文義甚明。下引呂氏春秋。趙策。楚詞。皆同。不必徧論。以上略舉數則。附記於釋詞之後。以爲讀釋詞者之助耳。非敢攻古人之短也。况此尤不足以責王君乎。王君生於清之中葉。不得讀文法。惜哉。

民國十九年十二月。胡懷琛跋。

